

小學重編
全

小學朱說重編全

或有之然則與其雜聚諸說孰若朱子之自言乎然小學書朱夫子

夫君子之於人也

如日月之麗天也

不可及也

夫君子之於人也

如日月之麗天也

不可及也

夫君子之於人也

如日月之麗天也

不可及也

夫君子之於人也

如日月之麗天也

不可及也

夫君子之於人也

如日月之麗天也

不可及也

為小學之羽翼亦可為小學之階梯矣况心術威儀兩款之所輯錄
無非心學之傳也誠能朝夕誦讀樂而玩之則有若親承面命於考
亭雲谷之間而當日編次小學之意可以窺闢其藩籬矣真西山所
謂開卷肅然事我天君者豈獨心經一書而已哉萬曆庚子夏光山
金長生序

小學朱說重編題辭

元亨利貞說曰元亨利貞性也生長收藏情也以元生以亨長以利收以貞藏者心也仁義禮智性也惻隱羞惡辭讓是非情也以仁愛以義惡以禮讓以智知者心也性者心之理也情者心之用也心者性情之主也程子曰其體則謂之易其理則謂之道其用則謂之神正謂此也又曰言天之自然者謂之天道言天之付與萬物者謂之天命又曰天地以生物為心亦謂此也

元只是善之長萬物生理皆始於此衆善百行皆統於此於時為春於人為仁亨是嘉之會猶言齊好也春之發生萬物未大齊到夏時洪纖各各暢茂其在人則禮儀三百威儀三千事事物物大大小小齊到恰好處故於時為夏於人為禮利者義之和萬物至此各遂其性事理至此無不得宜故於時為秋於人為義貞者乃事之幹萬物

至此收斂成實事理至此無不的正故於特為冬於人為智

感興詩曰吾觀陰陽化升降八紘中前瞻既無始後際那有終至理諒斯存萬世與今同誰言混沌死幻語驚昏聾

仁說曰人之性仁義禮智四德具焉其愛之理則仁也宜之理則義也讓之理則禮也知之理則智也是四者雖未形而其理固根於此則體實具於此矣性之中只有四者萬善皆管乎是焉而所謂愛之理者乃天地生物之心而其所由生者也故為四德之長而又所以兼包焉惟性之中有是四者故其發見於外則為惻隱羞惡辭遜是非之端所謂惻隱者亦未嘗不貫通焉此性情之所以為體用而心之道則主乎性情之理者也人惟已私蔽之以失其性之理而為不仁甚至於為忒為忍是豈人之情也哉是以為仁莫要乎克己已私

既克則廓然大公而其愛之理素具於性者無所殺矣則與天地萬物血脉貫通而其亦無不周矣故指愛而名仁則迷其體而愛之理則仁也指公而為仁則失其真而公者人之所以能仁也夫靜而仁義禮智之體具動而惻隱羞惡辭遜是非之端達其名義位置固不容相奪倫然而惟仁者為能恭儉而有節是禮之所存者也惟仁者為能推之而得其宜是義之所存者也惟仁者為能知覺而不昧是智之所存者也此可見兼包而貫通者是以孟子於仁統言之曰仁人心也亦猶在易乾坤四德而統言乾元坤元也然則在學者其可不以求仁為要而為仁其可不以克己為道乎

或問仁義禮智之四德又添信字謂之五性如何曰信是誠案此四者實有是仁實有是義實有是禮實有是智如五行之有土非土則

不足以載四者又加土王於四時各寄王十八日或曰王於戊巳然
季夏乃土之本宮故尤王於夏末月令載中央土者以此故也

所謂信者是箇真實無妄底道理如仁義禮智皆真實而無妄者也
故信字更不須論

感興詩曰元亨播羣品利貞固靈根非誠諒無有五性實斯存世人
逞私見鑿智道彌昏未若林君子幽探萬化原

性之本體便只是仁義禮智之實如佛老之言則先有箇虛空底性
然後方旋生此四者出來不然只說性是一箇虛空底物裏面包得
四者今人又纔見說四者為性之體便疑實有此四塊之物磊塊其
間皆是錯看了也須知性之為體不離此四者而四者又非有形象
方所可操可摩也

答張敬夫曰滿腔子是惻隱之心此是就人身上指出此理充塞處
最為親切若於此見得則萬物一體更無內外之別若見不得却於
腔子外尋覓即莽莽蕩蕩無交涉矣陳經正云我見天地萬物皆我
之性不復知我身之所為我矣伊川先生曰他人食飽公無餒乎正
是說破此病知言亦云釋氏知虛空沙界為己身而不敬其父母所
生之身亦是說此病也

性是天地之性亦不是自彼來入此亦不是自此往歸彼只是因氣
之聚散見其如是耳畢竟是無歸如月影映在這盆水裏除了盆水
這影便無了豈是這月光上天去歸那月又如這花落便無了豈是
歸這裡去明年復來這枝上
觀萬物之一原則理同而氣異觀萬物之異體則氣猶相近而理絕

不同氣之異者粹駁之不齊理之異者偏全之或異
或謂終未曉橫渠氣質之性曰性是天賦只一同氣質所稟有厚薄
人只是一般人有厚於仁而薄於義有餘於禮而不足於智皆自氣
質上來

人性雖曰本善而不能無偏重有得木氣重則者惻隱之心常多而
羞惡辭遜是非之心為其所塞而不發有得金氣重者則羞惡之心
常多而惻隱辭遜是非之心為其所塞而不發火水亦然惟陰陽合
德五性全脩然後中正而為聖人也

如慈愛底人少斷制斷制之人
多殘忍蓋仁多便遮義義多便

仁遮

問氣質有昏濁不同則天命之性有偏全否曰非有偏全謂如日月
之光若在露地則盡見之若在蔀屋之下有所蔽塞有見有不見昏

濁者是氣昏濁了故自蔽塞如在蔀屋之下然在人則蔽塞有可通之理至於禽獸亦是此性只被他形體所拘生得蔽隔之甚無可通處至於虎狼之仁豺獺之祭螻蟻之義却只是這些子譬如一隙之光至於獮猴形狀類人便最靈於他物只不會說話而已到得夷狄便在人與禽獸之間所以終難改氣稟雖雜而不害為性之本善性雖本善而不可無省察矯揉之功大明當天萬物咸覩亦此日耳蔀屋之中容光必照亦此日耳日之全體未嘗有已上言天道流行賦於人而為性小大

萬正淳言性之四端迭為賓主然仁智其總說也如恭而無禮則勞是以禮為主君子義以為質是以義為主也蓋四德未嘗相離遇事則迭見層出要在人默而識之曰說得是人有當惻隱而不惻隱當羞惡而不羞惡有當辭而不辭當遜而不

遜是其所非而非其所是者皆失其本心此處皆當體察必有所以然也只此便是日用做工夫處

問七情喜愛欲發於陽怒哀懼惡發於陰曰也是如此問怒如何屬陰曰怒畢竟屬義故屬陰怒與惡皆羞惡之發所以屬陰愛與欲相似欲又較深分屬五行欲屬水喜屬火愛屬木惡與怒屬金哀與懼亦屬水

或問喜怒哀懼愛惡欲是七情論來亦自性發只是怒自羞惡發如喜愛欲都自惻隱發曰哀懼也只是惻隱發蓋懼亦是怵惕之甚但七情不可分配四端七情自於四端橫貫過了四端是理之發也七情是氣之發也

心之未動則為性已動則為情所謂心統性情是也欲是情發出來

底心如水性猶水之靜情則水之流欲則水之波瀾但波瀾有好底不好底

捨心無以見性捨性無以見心故孟子言性每每相隨說仁義禮智是性又言惻隱之心羞惡辭遜是非之心

性是那理底心是盛貯該載敷施用底
觀書絕句曰半畝方塘一鑑開天光雲影共徘徊問渠那得清如許為有源頭活水來

周謨問人心於形上下如何曰肺肝五臟之心却是實有一物若今學者所謂操存捨亡之心則自是神明不測故五臟之心受病則可用藥補之這箇心則非菖蒲茯苓所可補也

黃義剛問先生嘗言心不是這一塊義剛竊謂滿腔皆心也此特其

樞紐耳曰不然此心非也乃心之神明升降之舍心豈無運用須常在軀殼之內譬如建陽知縣須常在衙裏始管得這一縣也義劉曰然則程子言心要在腔子裏當在舍之內耶曰只得在這些子上也

虛靈自是心之本體非我心所能虛靈也耳目之視聽所以能視聽者即其心也奚有形象然有耳目以視聽則猶有形象也若心之虛靈何嘗有物

心之知覺乃是那氣之虛靈底視聽聰明作為運用皆是有這知覺方運用得這道理

問心之神明妙衆理而宰萬物曰神是恁地精彩明是恁地光明又曰心無事時都不見到得應事接物便在這裏事了又不見恁地神

出鬼沒

大學明德上集註云人之所得乎天而虛靈不昧以具衆理而應萬

事者也

是心之本體

致知上註云心之神明妙衆理而宰萬物者也

是心之妙用

孟子盡心上註云心者人之神明所以具衆理而應萬事者也

依前

是說本體處

且就一身看自會笑語有許多聰明神識這是如何得恁地虛空之中忽然有風有雨有雷有電這是如何得恁地這都是陰陽相感都是鬼神

鬼神只是氣屈伸往來者氣也天地間無非氣人之氣與天地之氣常相接無間斷人自不見人心纔動必達於氣與這屈伸往來者相

感通

心者氣之精爽神即是心之至妙處又是氣之中妙處

心與理一不是理在面前為一物理便在心之中包蓄不住隨事而發

訓蒙絕句曰性外元非更有心只於理內別虛靈虛靈妙用由斯出故主吾身統性情

沈間問五行在人為五臟然心却具得五行之理以心虛靈之故否曰心為火緣是箇光明發動底物所以具得許多道理

心有善惡性無不善更論氣質之性亦有不善

鄭仲禮問本心則元無不善曰固是本心元無不善誰教爾而今却不善了今人外面做許多不善却說我本心之善自在如何得

氣須是理之所生然既生出則理管他不得如這理寓於氣了日用間運用都由這箇氣只是氣強理弱譬如大禮赦文將稅賦都放了有那知縣硬自捉縛便要他納緣被他近了更自叫上面不應便見得那氣麤而理微若子不肖父亦管他不得聖人所以立教正要救這些子

浩然之氣須是識得分明自然養得成自從生時受天地許多氣自恁地周足只緣少間見沒得分曉漸漸裏索了

日間目視耳聽口裏說話手足運動若不曾操存得無非是耗散底時節夜間則停留在這裏

問人之氣有清明時有昏塞時如何曰人當持其志則氣自清矣孟子既說持其志又說無暴其氣聖賢之言不偏於一類如蓋恐人專

於志而略於氣故也因舉程子云學者為氣所使習所奪只可責志

已上言性發為情

心志氣附

惻隱羞惡多是因順其理而見為有所可傷這裏惻隱之心便動為有所可惡這裏羞惡之心便動若是事親泛兄又是自然順處見之

靈底是心實底是性靈便是那知覺處如向父母則有那孝出來向君則有義出來便是性如知道事親要孝事君要忠這便是心

葉味道問體認四端擴充之竟如朋友相親貧病相恤患難相救則仁之理得矣如朋友責難則義之理得矣尊卑秩序則禮之理得矣是是非非則智之理得矣曰只要常體認

已上言性之見於行

心之為物宗主乎身其體則有仁義禮智之性其用則有惻隱羞惡

辭遜是非之情渾然在中隨感而應以至皆有當然之則而自不容已所謂理也然施之君臣則君臣義施之父子則父子親施之兄弟則兄弟和施之夫婦則夫婦別都只由這箇心如今最要理會此心此四者人人有之同得於天堯舜之所以為堯舜只是這四箇聖人氣質清純渾然天理初無人欲之私以病之是以仁則表裏皆仁而無一毫之不仁義則表裏皆義而無一毫之不義其為德也固舉天下之善而無一事之或遺

已上言聖人之盡其性

人物之性生命之正固亦莫非天理之窠但以氣稟之偏口鼻耳目四肢之好得以殺之而私欲生焉是以當其惻隱之發而忤害雜之則所以為仁者有不宗矣當其羞惡之發而貪昧雜之則所以為義

者有不實矣此常人之心雖欲勉於為善而內外隱顯常不免於二致甚至於誰偽罔而卒隨於小人之歸

以氣質有蔽之心應事物無窮之變則其目之欲色耳之欲聲鼻之欲臭四肢之欲安逸所以害乎其德者豈可勝言也哉二者相因反覆深固是以此德之明日益昏昧而此心之靈其所知者不過情欲利害之私而已是則雖曰有人之形而窠何以遠於禽獸

已上言衆人之汨其性

方其幼也不習之於小學則無以收其放心養其德性而為大學之基本及其長也不進之於大學則無以察夫義理措諸事業而收小學之成功

天生斯人予之以仁義禮智之性而使之有君臣父子夫婦朋友之

倫所謂民彝者也惟其氣質之稟不能一於純粹之會是以欲動情勝則或以陷溺而不自知焉古先聖王為是之故立學校以教其民而其為教必始於洒掃應對進退之間禮樂射御書數之際使之敬恭朝夕脩其孝悌忠信而無違也然後教之以格物致知以盡其道使之以自身及家自家及國自國而達之天下者蓋無二理其匡直輔翼優游漸漬必使天下之人皆有以不失其性不亂其倫而後已焉此二帝三王之盛所以化行俗美黎民醇厚者也

荅吳晦叔曰夫泛論知行之理而就一事之中而觀之則知之為先行之為後無可疑者然合夫知之淺深行之大小而言則非有以先成乎其小亦將何以馴致乎其大者哉蓋古人之教自其孩提而教之以孝悌誠敬之宗及其少長而博之以詩書禮樂之文皆所以使

之即夫一事一物之間各有以知其義理之所在而致涵養踐履之功也及其成童學於大學則其灑掃應對之間禮樂射御之際所以涵養踐履之者略已小成矣於是不離乎此而教之格物而致其知矣致知云者因其所已知者推而致之以及其所未知者而極其至也是必至於舉天下萬物之理而一以貫之然後為知之至而所謂誠意正心脩身齊家治國平天下者至是而無所不盡其道焉今就其一事之中而論之則先知後行固各有其序矣誠欲因夫小學之成以進夫大學之始則非涵養踐履之有素亦豈能居然以去雜亂紛糾之心格物以致其知哉且易之所謂忠信脩辭者聖學之實事貫終始而言者也以其淺而小者言之則自其常視毋誑男唯女俞之時固已知而能之矣知至至則之由行此而又知其所至也此知之

深者也知終終之則由知至而又進而終之也此行之大者也故大學之序雖以格物致知為用力之始然非謂初不涵養踐履而直從事於此也又非謂物未格知未至則意可以不誠心可以不正身可以不脩家可以不齊也但以為必知之至然後所以治己治人者始有以盡其道耳若曰必俟知至而後可行則夫事親從兄承上接下乃人生之所不能一日廢者豈可謂吾知未至而暫輟以俟其至而後行乎抑聖賢所謂知者雖有淺深不過如前所論二端而已但至於豁然貫通則內外精粗自無二致也

已上言聖人開學設教之意

論諸生曰古之學者八歲而入學學六甲五方書記之事十五而入大學學先聖之禮樂焉非獨教之固將有以養之也蓋義理以養其

心聲音以養其耳采色以養其目舞蹈登降疾徐俯仰以養血脉以至於左右起居盤盂几杖有銘有戒所以養之之具可謂備至爾矣夫如是故學者有成材而庠序有實用此先王之教所以為盛也自學絕而道喪于今千有餘年學校之官有教養之名而無教養之實學者相與挾策而娛其間傑然者乃知以干祿蹈利為事至於語聖賢之餘旨究聖門之大小則罔乎莫知其所以養其心者其規為動息無以異於凡民而有甚者焉嗚呼此教者過也而豈學者之罪哉然君子以為是亦有罪焉耳何則今所以異於古者特聲音采色之盛舞蹈登降疾徐俯仰之容左右起居盤盂几杖之戒有所不及焉至推其本則理義之所以養其心者固在也諸君日相與誦而傳之顧不察耳然則此之不為而彼之久為又豈非學者之罪哉

鉛山縣學記曰予嘗謂道無古今之殊而學有古今之異蓋周人以鄉三物教萬民而賓興之其德六知仁聖義忠和其行六曰孝友睦婣任恤其藝六曰禮樂射御書數是於學者日用起居飲食之間既無事而非學於羣居歲脩宴息之地亦無學而非事至於所以開發其聰明成就其德業者又皆交相為用而無所偏廢此先王之世所以人材衆多風俗美盛而非後世之所能及也國家建立學官周遍海內其所以望於天下之士者豈不亦若先王之意而學者無以識其指意之所在其於日用之間既誕謾恣睢而不知所以學其羣居講習之際又不過於割裂裝綴以為能而莫或知其終之無所用也是以其趨日以卑陋而惟利祿之知幸有一二傑然有意於自立者則又或窮高極遠而不務力行之實或循常守舊而不知義理之所

以然也是以其說常倚於一偏而不得以入於聖賢之域於是時也
異端雜學之士阿世徇俗之流又或鼓其乖妄之說而乘之嗚呼吾
道之不亡特民之秉彝有不可得以絕滅者耳

感興詩曰聖司教化黷序育群才因心有明訓善端得深培天序既
昭陳人文亦褰開云何百代下學絕教養乖群居競葩藻爭先冠倫
魁淳風久淪喪擾擾胡為哉

已上言學廢教弛

與劉子澄書曰博雜之病亦是把做小事忽略了以為不足以喪人
之志又不自知是自家病痛却以應副人情為解此亦是大病非小
病須痛斬截也吾人未老先衰餘日幾何而費日力於此却於自家
身上都不着力豈不是顛沛迷惑之甚耶小學書却與此殊科只用

數日工夫便可辦幸早成之便中見寄也

讀所寄文切切然有與世俗爭較曲直之意竊謂不必如此若講學工夫案有所到自然見得聖人所謂不知不愠不是虛語今却為只學人弄故紙要得似他不俗過了光陰所以於此都無得力處又且心知其為玩物喪志而不能決然舍棄此為深可惜者班范外事不知偏得於已分有何所益於世教有何所補而埋沒身心於此不得超脫亦無惑乎令人悼心失圖悵然累日不知所以為懷小學書却非此比幸早成之

小學見此修改益以古今故事移首篇於書尾使初學便有受用而末卷益以周程張子教人大略及鄉約雜儀之類別為下卷允定著六篇更數日方寫得成恨叔仲不能等候得後便當附呈也

後生初學且看小學書那箇是做人底樣子

脩身大法此略備矣義理精微近思錄詳之

古人於小學存養已熟根基已自深厚到大學只就上點化出些精
已上言輯小學開後學之意

小學末說重編題辭

小學朱說重編卷之一

立教

與長子受之書曰到婺州事師如事父凡事咨而後行聽受其言切
須氣怡聲不得輒自爭辨朋友年長以倍丈人行也下十年以長兄
事之年少於已而事業賢於已者厚而敬之初到便稟先生合做甚
工夫自寫一節目逐日早起夜眠遵依趲趲日間勿接閑人說閑話
雖同學亦只可說義理文字而已專意辦自己工夫則自然習熟進
益矣課冊隨衆趕了不得拖延怠慢日間思索有疑用冊子隨手劄
記俟見質問不得放過所聞誨語歸安下處思省要切之言逐日劄
記歸日要着見好文字亦錄取歸來不得自擅出八與人往還初到
問先生有令見者見之不令見則不必往人來相見亦啓稟然後往

報此外不得出入一步居處須是恭敬不得倨肆惰慢言語須要之
諦當不得戲笑諠譁凡事謙恭不得尚氣凌人自取恥辱不得飲酒
荒思廢業亦恐言語差錯失已忤人尤當深戒不可言人過惡及說
人家長短是非有來告者亦勿酬答於先生前尤不可說同學之短
交遊之間尤當審擇雖是同學亦不可無親疎之辨此皆當請於先
生聽其所教大凡敦厚忠信能攻吾過者益友也其諂諛輕薄傲慢
褻狎導人為惡者損友也推此求之亦自合見得五七分更問以審
之百無所失矣但恐志趣卑凡不能克己從善則益者不期疎而日
遠損者不期近而日親此須點檢而矯革之不可苟從漸習自趨小
人之域如此則雖有賢師長亦無救拔自家處矣見人嘉言善行則
敬慕而紀錄之見人好文字勝已者則借來熟看或傳錄之而咨問

之思與之齊而後已不拘少長惟善是取

以上數條切宜謹守其所未及亦可據此推廣大抵只是勤謹二字
循之而上有無恨好事吾雖未敢言而竊為汝願之及之以下有
無限不好事吾雖不欲言而未免為汝憂之也蓋汝若好學在家
足可讀書作文講明義理不待遠離膝下千里從師汝既不能如
此即是自不好學已無可望之理然今遣汝者恐汝在家汨於俗
務不得專意又父子之間不欲督責及無朋友間見故令汝一行
汝若到彼奮然勇為力改故習一味勤謹則吾猶有望不然則徒
勞費只與在家一般他日歸來又只是伎倆人物不知汝何將
目歸見父母親戚鄉黨耶念之念之夙興夜寐無忝所生在此一
行千萬努力到婺州日先討權歇泊定即盥櫛具刺去見呂正字

初見便稟某以大人之命遠來親依先生講席之下合禮展拜僮
蒙取留伏乞端受便拜兩拜如未收即再拜懇云未蒙納拜不勝
皇恐更望先生尊慈特賜容納況某於門下自先祖以來事契深
厚切望垂允又再拜起問寒暄畢又進言某晚學小生久聞先生
德義道學之盛今日幸得瞻拜不勝慰幸坐定茶畢再起叙晚學
無知大人遠來泛學之意竊聞先生至誠樂育願賜開允使某晚
早親炙又云來時大人拜意有書投納即出書投之又進說大人
再令拜稟限以地遠不得瞻拜即中公几迄今有香一炷令某拜
獻今參拜之初未敢遽請容來日再請門下令第宣教大人亦有
書并俟來日請見面納揖退略就坐又揖而起次日將香再去仍
具刺再以刺謁其第茶罷便起稟某昨日稟知乞詣靈筵瞻拜更

俟尊俞如引入即詣靈前再拜焚香又再拜訖拜其兄弟兩拜進
說大人致問昨聞郎中大人奄棄明時限以地遠不獲奔憫不勝
慘愴之私令某拜稟切望以時郎哀為道自愛又再拜趨出

與魏應仲書曰三哥年長宜自知力學以副親庭責望之意不可自
比兒曹虛度時日逐日早起依本點禮記左傳二百字叅以釋文正
其音讀儼然端坐各誦百遍訖誦孟子二三十遍熟復玩味者史數
葉反復數遍大抵所讀經史切要反復精詳方能漸見旨趣誦之宜
舒緩不迫令字字分明更須端莊正坐如對聖賢則心定而義理易
究不可貪多務廣涉獵鹵莽纔者過了便謂已通小有疑處即更思
索不通即置冊子逐日抄記以時省閱俟歸日逐一理會切不可小
含糊護短恥於資問而終身受此黷昧以自欺也又置簿記逐日所

誦起止以俟歸日稽考起居坐立務要端莊不可傾倚恐至昏怠出
八步趨務要凝重不可票輕以害德性以譙遜自牧以和敬待人凡
事切須謹勅無故不須出八步說閑話恐廢光陰勿觀雜書恐分精
力早晚頻自點檢所習之業每旬休日將一旬內書溫習數過勿令
心少有放佚則自然漸近道理講習易明矣

荅孫仁甫曰夫人無英氣固安於卑陋而不足以語上其或有之而
無以制之則又反為所使而不肯遜志於學者之道患也所以
古人設教自洒掃應對進退之節禮樂射御書數之文必皆使之抑
首下心以泛事於其間而不敢忽然後可以消其飛揚屈強之氣而
為入德之階今既皆無此矣則惟有讀書一事尚可以為攝伏身心
之助然不循序而致謹焉則亦未有益也故今為賢者計且當就日

用間致其下學之功讀書窮理則細立課程柰煩著實而不求速解操存持守則隨時隨處省覺收斂而無計近功如此積累做得三五年工夫庶幾心意漸馴根本粗立而有可據之地不然終恐徒為此氣所使而不得有所就也

感興詩曰童蒙貴養正遜弟乃其方鷄鳴咸與漱問訊謹暄涼奉水勤播灑擁篲周室堂進趨極虔恭退息常端莊歛書劇嗜炙見惡逾探湯庸言戒嚴詆時行必安詳聖途雖云遠發軔且勿忙十五志于學于時起高翔

荅王季和曰學者之志固不可不以遠大自期然觀孔門之教則其所泛言之者至為卑近不過孝悌忠信持守誦習之間而於所謂學問之全體初不察察言之也若其高第弟子多亦僅得其一體夫以

夫子之聖諸子之賢其於道之全體豈不能一言盡之以相授受而顧為是拘拘者以狹道之傳畫人之志何哉蓋所謂道之全體雖高且大而略於小則無漸次經由之實而徒有懸想跋望之勞亦終不能以自達矣故聖人之教循循有序不過使人反而求之至近至小之中博之以文以開其講學之端約之以禮以嚴其踐履之宗使之得寸則守其寸得尺則守其尺如是久之日滋月益然後之全道體乃有所期望而漸可識有所馴習而漸可能自是以往俛焉孜孜斃而後已而其所造之淺深所就之廣狹亦非可以必詣而預期也故夫子嘗謂先難後獲為仁又以先事後得為崇德蓋於此少差則雖有鑽堅仰高之志而反為謀利計功之私矣仁何自而得德何自而崇哉

荅郭希呂曰示喻所以居家事長之意甚善甚善此事他人無致力處正惟自勉而已但謂學問大端不敢躐等言之則鄙意有所未曉者夫學問豈以他求不過欲明此理而力行之耳但其工夫所施有序而莫不以愛親敬長為先非謂學問自是一事可以置之度外而姑從事於孝友之察也故熹切願昆仲相與深察此意而講於所謂學問之大端者以求孝悌之察則閨門之內倫理益正恩義益篤將有不期然而然者矣若以學問為一大事不可幾及而汲汲然徒費精神於科舉文字之間乃為別求一術以為家庭睦悠久之計竊恐天理不明人欲橫生其末流之弊將有不可勝慮不可勝防者不審賢者以為如何

荅陳廩父曰示喻縷縷足認雅意但為學工夫不在日用之外檢身

則動靜語默居家則事親事長窮理則讀書講義大抵只要分別一箇是非而去彼取此耳無他玄妙之可言也論其至近至易則即今便可用功論其至惡至切則即今便當用力莫更遲疑且隨深淺用一日之工便有一日之效到有疑處方好尋人商量則其長進通達不可量矣若即今全不下手必待他日遠求師友然用力則日下蹉過却合做底親切工夫虛度了難得底少忙時節正使他日得聖賢而師之亦無積累憑藉之資可受鉗錘未必真有益也

荅黃直卿曰人之學所以不進只緣初無入處不見其有可嗜之味而所以無入處又只是不肯虛心遜志耐煩理會更無他病也

荅呂子約曰前書所喻正容謹節之功此想加力此本是小學事然前此不曾做得今若更不填補終成欠闕却為大學之病也

答陳叔向曰亦喻學者不能身踐而驚於空言此誠今世莫大之患然亦不善讀書之咎耳書之設豈端使然哉大抵聖賢之教無一言一句不是八德門戶所謂禮樂不可斯須去身尤為深切真當佩服以終其身不但後學也但道體無盡人見易偏內外本末不可不舉此亦所當知耳

答或人曰禮樂固必相須然所謂樂也者亦不過謂胸中無事而和樂耳然欲胸中無事非敬不能故程子曰敬則自然和樂而周子亦以為禮先而樂後此可見也

答姚棣曰人之應事接物無非義理之所在人雖不能盡知然其大端宜亦無不聞者要在力行其所已知而勉求其所未至則自近及遠由粗至精循循有序而日有可見之功矣

荅黃直卿曰知彼中學徒甚盛學業外亦須說令知有端的合用心
處及工夫次第乃可徐業至此已久終始脫去舊習未得近日看得
後生且是依本子認得訓誥文義分別為惡自此反覆不厭日久月
深自然心與理熟有得力處今人多是躡等妄作誑誤後生輾轉相
欺其宗都曉不得也

荅胡寬夫曰大抵自家所看文字及提督學士工夫皆須立下一定
格目格目之內常切存心格目之外不要妄想此主一之漸也若不
如此方寸之間頃刻之際千頭萬緒卒然便要主一如何按伏得下
荅呂子約曰示喻授學之意甚善便更須小作課和責其積熟乃為
有益若只似日前大飡長啜貪多務速即不濟事耳洒掃應對乃小
子之學今既失之於前矣然既壯長而專用力於此則恐亦無味而

難入要須有以使之內外本末兩進不偏乃為佳耳

婺源縣學藏書閣記曰道之在天下其宗原於天命之性而行於君臣父子兄弟夫婦朋友之間其文則出於聖人之手而存於易詩禮春秋孔孟之籍本末相須人言相發皆不可一日而廢焉者也蓋天理民彝自然之物則其大倫大法之所在固不依文字而立者然古之聖人欲明是道於天下而垂之萬世則其精微曲折之際非托於文字則亦不能以自傳也故自伏羲以降列聖繼作至于孔子然後所以垂世立教之具粲然大備天下後世之人自非生知之聖則必由是而窮其理然後知有所至而力行以終之固未有飽食安坐無所歛為而忽然知之兀然得之者也故傳說之告高宗曰學于古訓乃有獲而孔子之教人亦曰好古敏而求之是則君子所以為學致

道之方其亦可也。知已然自秦漢以來士之所求乎書者類以記誦剽竊為功而不及乎窮理修身之要其過之者則遂絕學捐書而相與馳騖乎荒虛浮誕之域矣。蓋二者之弊不同而於古人之意則胥失之。嗚呼道之所以不明不行其不以此歟。

荅黃直卿曰：精舍相聚不甚成條理，蓋緣來有先後，有人少長，鄉有南北，才有利鈍，看文字不看大意正脉，而却泥着零碎錯亂纏繞，病中每與之酌酢，輒添了三四分病。以此每念吾伯豐未嘗不愴然也。履之兄弟却差勝，若更加工，或恐可望耳。伯崇已赴番陽，留其季子在李敬子處資質亦淳謹，但未有奮迅拔出之意耳。叔近問知齋館已闢，慕從者衆，尤以為喜。規繩既定，且耐煩勉力，使後輩稍知以讀書修己為務，少變前日淺陋儂浮之習，非細事也。

齋中朋友終年相聚當有極精進者此間諸人來去不常然氣習偏蔽各任己難盡責一人不是大率江鄉人大的確而失之固執此私間太平易而流於苟簡此古人所以有矯枉齊義之戒也

荅呂伯恭曰示喻令學者兼看經史甚善甚善此間來學者少亦欲放此接之但少通敏之資只得看一經或論孟已無餘力矣然恐亦當令多就經中留意為佳蓋史書鬧熱經書冷淡後生心志未定少有不偏向外去者此亦當預防也如何

荅王子合曰諸生聽者須抽摘問難審其聽後果能尋繹否近覺向學之功不在向前只在退後若非溫古不能知新蓋非惟不能知新且并故者亦不記得日用之間便成兩忘雖欲不放其良心不可得矣此事切宜自警并提撕學者為佳

答呂仲曰邵康節之告章子厚曰以君之才於吾之學頃刻可盡但須相從林下一二十年使塵慮消散腦中豁々無一事可相授
答輔漢卿曰此間年來應接差簡然苦多病不能用力文字間又無朋友共講間有一二其鈍者既難湊泊敏者又不耐煩有話無分付
處甚思賢者相聚之樂也

答呂伯恭曰學者推求言句工夫常多點檢日用工夫常少今日此等人極多然或資質敏利其言采者則不免資其講論之益而在可
我者躬行無力又無以深矯其弊方此愧悞今得來諭敬當徧以警
告常所往來者使自省察却是老成敦篤志行可保之人往々又却
遲鈍看道理不透求其有精神而醇者真難得耳
答劉子澄曰今日無事可為只有收拾後生磨礪成就着得力處而

此間朋友鼓作不起深為可慮不知彼中如何更望留意以身率之
乃所望也

此事未知將來分付甚人天意必有在矣吾徒之力無如之何只有
講學修身傳扶大教使後生輩知有此道理大家用力庶幾人材風
俗他日有以為濟世安民之助而已

荅呂伯恭曰至於朋友亦正自難得人大抵氣習已偏而志力不彊
殊未有以慰人意者門牆之下渠亦有其人乎誘接之道雖各不同
要是且令於平易明白處漸加工夫時加警策而俟其自得此為正
法耳

荅呂子約曰子餘留此久適憂病不得朝夕相聚又見渠長上不欲
痛下鈴鎚後來自覺如此舍胡恐誤朋友方着力催僱工夫則渠已

有行日矣其有尚留宿者用新法課程近日却覺長進信乎小仁者大仁之賊而無面目者乃長久情也久

與芮國器書曰竊聞學政日新多士風動深副區區望但之今日學制近出崇觀專以月書季攷為陞黜使學者屑然計較得失於毫釐間而近歲之俗又專務以文字新奇相高不復根據經之本意以故學者益騖於華靡無復探索根原敦勵名檢之竟大抵所以破壞心術者不一而足蓋先王所以明倫善俗成就人才之意掃地盡矣惟元祐間伊川程夫子在朝與修學制獨有意乎深革其弊而當時咸謂之迂濶無所行施今其書具在意者後之君子必有能舉而行之區區願執事少加意焉則學者之幸也

跋程董二生學則曰道不遠人理不外事故古之教者自其能食能

言而所以訓導整齊之者莫不有法而况家庭黨庠遂序之間乎彼其學者所以入孝出悌謹言慎行群居終日德進業脩而暴慢放肆之氣不設於身體者繇此故也

諭諸職事嘗謂學校之政不患法制之不立而患理義之不足以悅其心夫理義不足以悅其心而區區於法制之末以防之是猶決滔水注之千仞之壑而徐翳蕭葦以捍其衝流也亦必不勝矣諸生蒙被教養之日久矣而行誼不能有以信於人豈專法制之不美哉亦諸君子未嘗以禮義教告之也夫教告之而不從則學者之罪苟為未嘗有以開導教誨之則彼亦何所趣而興於行哉今增修講問之法諸君子其專心致思務有以漸摩之無牽於章句無滯於舊聞要使之知所以正心誠意於飲食起居之間而由之以入於聖賢之域

不但為舉子而已

古者學校選舉之法始於鄉黨而達於國都教之以德行道藝而興賢者能者蓋其所以居之者無異處所以官之者無異術所以取之者無異路是以士有定志而無外慕早夜孜孜唯恐德業之不修而不憂爵祿之未至也若夫三代之教藝為最下然猶皆有稟用而不可闕其為法制之密又足以為治心養氣之助而進於道德之歸此古之為法所以能成人材而厚風俗濟世務而興太平也

凡人須以聖賢為已任世人多以聖賢為高而自視卑故不屑進抑不知使聖人本自高而已別是一樣人則早夜孜孜別是分外事不為亦可為之亦可然聖賢稟性與常人一同又安得不以聖賢為已任自開闢以來多少人求其盡已者千萬人中無一二只是滾同枉

過一世人性本善只嗜欲所迷利害所逐一齊昏了聖賢能盡其性故耳極天下之聰目極天下之明為子極孝為臣極忠大抵為己之學於他人無一毫干預聖賢千言萬語只是使人反其固有而復其性耳

今之朋友固有樂聞聖賢之學而終不能去世俗之陋者無他只是志不立耳學者大要立志終學便要做聖人是也

荅呂伯恭曰塾不知果能漸解人事否人家後生只得自有意做好人便有可望此郎正坐無此根本使人憂心耳

荅滕德章曰今日後生輩以科舉為急不暇聽人說好話此是大病須先與說破此病令其安心俟命然後可教告以收拾身心討論義理次第當有進耳

荅宋澤之曰大抵今之學者之病是。先學作文干祿。使心不寧靜。不暇深究義理。故於古今之學義利之間。不復能察其界限。分別之際。而無以知其輕重。孰舍之所宜。所以誦數雖博。文詞雖工。而祇以重為此心之累。要須反此。然後可議為學之方耳。向者蓋亦相為道此。然賢者意中未甚明了。終未免以文學語言為工夫。拜名利祿為歸趣。今以所述事狀觀之。亦可驗其不誣矣。若諸賢者果以愚言為不謬。則願且以定省應接之餘功。收拾思慮。完養精神。暫置其所已學者。勿令洶湧鼓發。狂闢却於此處。深察前所謂古今之學義利之間。粒剖銖分。勿令交互。則其輕重取舍之極。自當判於胸中。不待矯拂而趣操自分。聖學之門庭。庶可以漸而推尋矣。此是立心第一義。此志先定。然後修己治人之方。乃可決擇而修持耳。

學古齋銘曰相古先民學以為己今也不然為人而已為己之學先
誠其身君臣之義父子之仁聚群居行無怠無忽至足之餘澤及萬
物為人之學燁然春和誦數是力纂組是詩結駟懷金煌煌燁燁世
俗之榮君子之鄙惟是二者其端則微眇縣不察胡越其歸卓哉周
侯克承先志日新此齋以迪來裔此齋何有：圖有書顧裔伊何衣
冠進趨夜思晝行咨詢謀度絕今不為惟古是學先難後獲匪匪匪
徐我則銘之以警厥初

滄洲精舍告先聖文曰恭惟道統遠自羲軒集厥大成久屬元聖述
古垂訓萬世作程三千其徒化若時雨惟曾顏氏傳得其宗逮思及
輿益以光大自時厥後口耳失真千有餘年乃曰有繼周程授受萬
理一原曰邵曰張爰及司溫學則殊轍道則同歸俾我後人如夜復

旦熹以凡陋少蒙義方中靡常師晚逢有道載鑽載仰雖未有聞賴
天之靈幸無失墜逮茲退老同好昂來落此一丘羣居伊始探原取
本敢昧厥初冀以告虔尚其昭格陟降庭止惠我光明傳之方來永
無斁

小學朱說重編卷之二

明倫

甲寅封事曰人之所以有此身者受形於母而資始於父雖有彊暴之人見子則憐至於襁褓之兒見父則笑果何為而然哉初無所為而然此父子之道所以為天性而不可解也然父子之間或有不盡其道者是豈為父而天性有不足於慈亦豈為子而天性有不足於孝者哉人心本明天理素具但為物欲所昏利害所蔽故小則傷身害義而不可開大則滅天理倫而不可抹假如或好飲酒或好便安如此之類皆物欲也清明之地物欲昏之則父或忘其為慈子或忘其為孝

童蒙須知曰凡為人子弟須是低聲下氣語言詳緩不可高聲喧闐浮言戲笑父兄長上有所教督但當低聲聽受不可妄有議論長上

檢責或有過誤不可便有分斛姑且隱默久却徐細思條陳云此徐
事恐是如此向者當是偶爾遺忘或曰當是偶爾思省未至若爾則
無傷忤事理自明至於朋友分上亦當如此

凡行步趨踰須是端正不可疾走跳躑若父母長上有所喚召當疾
走而前不可舒緩

凡為人子弟當洒掃居處之地拂拭几案常常潔淨文字筆硯凡百
器用皆當嚴肅整齊頓放有常處取用既畢復置元所

父兄長上坐起處文字紙劄之屬或有散亂當加意整齊不可輒自
取用凡借人文字皆置簿抄錄主名及時取還窓壁几案文字間不
可書字前輩云毀筆污墨癩子弟職凡書硯自黥其面此為最不雅
潔切宜深戒

凡子弟須要早起晏眠

凡對父母長上朋友必稱名

答楊仲思曰聞尊丈遠出不知是往何許尊年獨旅恐非所宜為子弟者當有以代其勞也

答吳生曰僕於吾子初未相識而問之來使則知吾子之甚少而家有嚴君之尊焉今書及詩序等乃昏鬼岸倨肆若老成人之為者全於卒然以物饋其所不當饋之人不稱其父母之命則於愛親敬長之良知良能又若不相似也吾子自謂已得是心而明是理僕不知吾子之所謂心者果何心所謂理者果何理耶

李燔問燔見朋友間有增親年以希恩需者且悔之又恐兄弟間有堅乞者燔以為不若作一狀子刺破之脩申省部照會方為堅決答

曰兄弟若欲陳乞但委曲為陳不可誣親以欺其君之意足矣何必作此痕跡耶

問家中舊有祖業今欲稟家叔諸房各以人口多少脩辦經用儲之堂前以為久遠團聚之計然衆志難諧恐未有所處答曰諸位各辦歲計其力不能者如之何此須熟慮博訪其宜不可草草也

與劉共父書曰人子事親之道不幸至於父母之顏色不和為子者當左右承順以祈悅適耶當詬罵妻孥毆擊僮僕以快已之忿耶此閭巷之人知之不待曾參考已而後委也至於人主事天之道何獨不然

答胡季隨曰所學者謂父子兄弟骨肉之恩理之所當然而人心之不能已者今必外此而厚其身此即釋氏滅天理去人倫以私其身

之意也。必若是而身脩則雖至於六度萬行具足圓滿亦無以贖其
不孝不弟之刑矣。

胡泳問李敬子說居喪欲嚴內外之限莫若殯於廳上庶幾內外不
相通。周舜弼云終喪不入妻室。雖漢之武夫亦能。吾人稍知義理當
不待防閑之嚴而自不忍為矣。答曰敬子說是。古人殯於西階之上
設倚廬於庭中皆在中門之外也。

問居喪貧窘多事哀思不能接續常存遇時卽時終覺勉強不知如
何。答曰思親之感發於自然但不以事奪之可也。此又豈可別作道
理計較必其哀之至耶。

答王近思曰前此欲銘先夫人之墓以未嘗習為之無以應命亦自
念君子之事親以誠心不在此但能篤志力行使人謂之君子之子

則其為親榮也大矣祭文尤所未解凡喪父在父為主今自主之一失也古者將葬祖真遣奠祝以事告而無文辭二失也古人居喪則言不文蓋哀戚勝之不能文也今文甚矣又將振而矜之此三失也孔子曰喪與其易也寧戚吾友其未之思歟大抵吾友誠慤之心似有未至而華藻之飾常過其哀故所為文亦皆辭勝理文勝質有輕揚詭異之態而無沉潛溫厚之風不可不深自警省訥言敏行以改故習之謬也

呂子約問三年之內事死如事生而無伸已之志延謂之孝不幸而有所當改是乃吾平日之拳拳而未能孚於吾親者今也哀痛之深固有所斡旋改移於不動聲色之中矣苟有決厲之意則縱有丘山之善然此心不幾於息乎曰此說甚好但謂有所改移斡旋於不動

聲色之中者此句未安熹舊來亦嘗有此意後看史書見有居官不改前人之政但因事迁就使人不見其跡者必大悅之以為代人居官猶有能如此者況於所天乎因以此問於李先生先生曰此意雖好但每事用心如此恐駸駸然所失却多聖人所謂無改者亦謂尚可通行者耳若不幸而有必不可行者則至誠哀痛而改之亦無可奈何不必如此回互也此意竊謂學者不可不知當更思之也恐

先生於父母墳墓所託之鄉人必加禮或曰敵已以上拜之

與塾書曰吾不孝先公棄捐不及供養事先妣四十年然愚無識知所以承顏順色甚有乖戾至今思之常以終天之痛無以自贖惟有歲時享祀致其謹潔猶是可着力處汝輩及新婦等切宜謹戒凡祭肉齏割之餘及皮毛之屬皆當存之勿令殘穢褻慢以重吾不孝之

罪

考諸程子之言則以為高祖有服不可不祭雖七廟五廟亦止於高祖雖三廟一廟以至祭寢亦必及於高祖但有䟽數之不同耳疑此最為得祭之本意今以祭法考之祀雖未見祭必及高祖之文然有月祭享嘗之別則古者祭祀以遠近為䟽數亦可見矣禮家又言大夫有事省於其君干祿及其高祖此則可為立三廟而祭及高祖之驗

祭儀以墓祭節祀為不可然先正皆言墓祭不害義理又節物所尚古人未有故止於時祭今人時節隨俗燕飲各以其物理祖考生存之日蓋嘗用之今子孫不廢此而能惇然於祖宗乎
某家舊時祭外有冬至立春季秋三祭後以冬至立春二祭覺得時

僭不安遂已之季秋依旧祭禩
先生母夫人忌日着黻黑布衫其布亦然或問今日服色何謂曰豈
不聞君子有終身之喪乎

右父子

答張敬夫曰天下萬事有大根本而每事之中又各有要切處所謂
大根本固無出於人主之心術所謂要切處者則必大本既立然後
可推而見也如論任賢相杜私門則立政之要也擇良吏輕賦役則
養民之要也公選將帥不近習則治軍之要也樂聞警戒不喜道由
諛則聽言用人之要也然未有大本不立而可以與此者吾人向來
非不知此却是成已功夫於立本處未甚端的故論此使人主亦無
下功夫處今未知欲圖大者當謹於微欲正人主之心術未有不以

嚴恭寅畏為先務群色貨利為至戒然後乃可為者此區々近日愚見之拙法若未有孟子手段不若循此塗轍之無悔吝也

天人之際君臣之間已有響合之勢甚盛々々然烹之愚之計不勝十寒衆楚之憂不審高明何以處之計此亦無他術但積吾誠意於平日使無食息之間斷則庶乎其可耳帝王之學雖與韋布不同經綸之業固與章句有異然其本末之序竊以為無二道也聖賢之言平鋪放著自有無窮之味於此從容潛玩默識而心通焉則學之根本於是乎立而其用可得以推矣患在立說貴於新奇推類欲其廣博是以反失聖言平淡之真味而徒為學者口耳之末習至於人主能之則適所以為作聰明自聖賢之具不惟無益而害有甚焉

答陳公曰有諸已而後求諸人無諸已而後非諸人况欲格君心以

救一時之禍此豈細事而可不責之於吾身積之於平日而苟焉以一時之智力畜之哉

答李誠父曰欲正人者先正己况欲正君而可自有不正之累耶

答陳同父曰先得吾身好黨類亦好方能得吾君好天下國家好而所謂好者又有虛實大小久近之不同若自吾身之好推之則凡所謂好者皆實皆大而以又遠若不自吾身推之則彌縫掩覆雖可以苟合於一時而凡所謂好者皆為他日不可之病根矣蓋脩身事君初非二者不可作兩般者

與張亢善書自古小人所以敗亂豈皆凶惡猛鷲有可畏之威而能之但有患失之心使無所不至先聖言之精且切矣
問忠只是實心人倫皆常用之何獨於事君上說忠曰父子兄弟夫

婦皆自知愛敬若臣以義合人易得苟且於此說忠是就不足處說
与留丞相書曰如聞比日有以不願為忠臣之說當上心被親擢者
遠方傳聞不知信否如審有之則小人過計之憂恐不得為與邦之
言也又聞其人亦甚出入門牆深辱其知當是其時未有此論如又
不然則知言知人之訓忘意丞相當更留意博求直諒之賢置之東
閣与面天下之事則大人格心之効不日可見而勲業之美不但踰
於前後數公矣諸葛武侯之教有曰諸有忠慮於國者但勤攻吾之
闕則事可成矣賊可死功可翹足而待矣

与陳丞相書曰人主以論相為賊宰相以正君為職二者各得其職
然後体統正而朝廷尊天下之政又出於一而無多門之弊苟當論
相者取其適己而不求其正已取其可愛而不取其可畏則人主失

其職矣當正君者不以猷可替否為事而以趨和承意為不能以經世宰物為心而以容身固寵為術則宰相失其職矣二者交失其職是以統統不正綱紀不立而左右近習皆得以竊弄威權賣官鬻獄使政體不立國勢日卑雖有非常之禍伏於冥冥之中而上恬下嬉亦莫知以為慮者是可不察其所以然者而反之以汰其所已用而審其所將用者乎選之以其能止已而可畏則又有以得自重之士而吾所以任之不得不重任之既重則彼得以盡其猷可替否之志而行其經世宰物之心又公選直諫敢言之士使為臺諫給舍以參其論議使吾腹心耳目之寄常在於賢士大夫而不在於群小陟罰臧否之柄常在於廊廟而不出於私門如此而主威不立國勢不彊綱維不舉刑政不清民力不裕軍政不修者不信也吾

天無私覆地無私載日月無私照臨故王者奉三無私以勞於天下則無臨博愛廓然大公而天下之人莫不心悅而誠服倘於其間以新舊為親疎則其偏黨之情褊狹之度固已使人惴然有不服之心而其好惡就舍又又不能中於義理而甚則至於沮謀敗國妨德亂政而其害有不可勝言者

宗德之脩在乎去欲人存天理人欲不及辨色貨利之娛宮室觀遊之侈也但存諸心者小失其正則是人欲又也存祇畏之心以畏天擴寬弘之度以盡下不敢自是而欲人及已同不循偏見而謂衆無足取不甘受侮人而外敬正士不耻於近利而昧於遠敵出入起居發號施令念茲在茲不敢怠怠而又擇端人正士剛明忠直能直言極諫者朝夕與居左右不使近習便利捷給之人得以窺伺間隙承

迎指意汚染氣習惑亂聰明務使此心虛明光大平正中和表裡洞
然無一毫私意之累然後為德之脩而上可以格天下可以感人
誠能於日用之間動靜語默必求放心以為之本而玩理觀史親近
儒學已用力處益用力焉數召大臣切磨治道俾陳要急之務至於
群臣進亦賜溫顏反復詢訪以求政事之得失民情之休戚而又對
曰以察其人才之邪正短長庶於天下之事各得其理

與劉共甫書曰伏讀十一月五日詔書奴詬大臣豕視庶位甚矣其
間而不然也不知出凡筆否當時何不畧開諫耶自見此詔連三日
寢息不安其曲折未易以一言盡大抵自此人主心益肆勢益孤賢
人君子消縮不願立於其朝而譏諂面諛持祿保位之士益聚而肆
然其無所不為矣

古之君子居大臣之任者其於天下之事知之不惑任之有餘則汲
汲乎其時而勇為之知有所未明力有所不足則咨訪講求以進其
知拔援汲引以求其助如拯火追亡尤不敢以少緩上不敢置其君
以為不足與言仁義下不敢鄙其民以為不足以興教化中不敢薄
其士大夫以為不足共成事功一日立乎其位則一日業乎其官一
日不得乎其官則不敢一日立乎其位有所愛而不肯為者私也有
所畏而不敢為者亦私也屹然中立無一毫私情之累而惟知其職
之所當為者夫如是是以志足以行道道足以濟時而於大臣之責
可以無愧

夫宰相以得士為功下士為難而士之所守乃以不自失為貴夫杜
門自守孤立無用者此一介之行也延納賢能黜退奸險合天下之

人以濟天下之事者宰相之職也

與陳師書曰茲承鈞慈遠賜手札竊審嘗欲有所論建自以文不逮意而罷竊為門下喜焉而敢冒進其說夫陳說主於忠不信尚文飾且今日之言有不可緩者猶拯火追亡人也況以相公之忠誠懇切豈真以文不足為病而怠於納誨者哉亦曰將有待而言之耳苟誠有待而言之則其所待無有大於今日之所遭者願相公曰辭謝之章而有以附見其說不及引據鋪張不須委曲互其直以心之所欲言時之所深惡者條件剖析為明主言之其所病者乃在於文之過而不病其不足也幸而聽受天下固受其賜而相公之榮亦豈止於今日不幸而不入則相公辭受之決亦不難處矣夫今不言於天下之事固失其機會而在我者不無昧利之嫌一旦雖欲復有所言

人亦莫之聽矣

答劉子澄曰奏對得以伸吐所學甚慰士友之望正學以言而不失淺深緩急之宜在賢者又已講之熟矣黃子又說頗欲多所論達此恐徒取草野倨侮之譏而匆匆晷刻之間又不能詳細反覆則是無故徧舉衆事之機紛冗錯雜終無感寤之理不若畧舉大體切於上心者專指而極言之固為莫大之幸萬一未即聽從亦足以為之兆異日猶可尋繹其端緒而終其說也

答呂伯恭曰論治固有序亦非判然各為一事無今日言此明日言彼之理如孟子論愛牛制產本末雖殊然亦罄其說於立談之間大抵聖賢之言隨機應物初無理事精粗之別其所以格君心者自其精神力量有感動人處非為恐彼逆疑吾說之迂而姑論無事之理

以嘗試之也。若又如此，則便是較計利害之私。何處更有聖矣之氣？象耶？近日一種論議，專務宛轉四護，欲以潛回主意。陰轉事機，此在古人固有。以此而濟事者，然皆居亂世事昏主不得已而然者。竊謂今日主上樂聞忠言，非不切至，特蔽於陰邪，不能決然信用。而或者乃欲以彼術施之，計慮益巧，誠意益衰。以上聰明亦豈不悟其為此？此所以屢進而卒不効也。

與留丞相書曰：君子小人如水炭之不同，薰蕕之不相入。小人進則君子退，君子親則小人疏。未有可以無受並蓄而不相害者也。能審乎此，以定取舍，則其見聞之益薰陶之功，所以謹邪僻之防，安義理之習者，自不能已。而其舉措刑賞，所以施於外者，又無偏陂之失。一有不審，則不惟其妄行請托，竊弄威權，有以害吾之政事，而其

導諛薰染使人不自知覺而與之俱化則其害吾之本心正性又有不可勝言者然而此輩不同蓋其本出下流不知禮義而稍通文墨者亦服儒冠有儒叨竊科第而宗全無行檢者是皆國家之大賊人主之大賊苟非心正身修有以灼見其情狀如惡臭之可惡則亦何以遠之而來忠信直之士乎

自古君子小人雜居並用非此勝彼即彼勝此無有兩相疑而終不決者此必然之理也故雖舉朝皆君子而但有一二小人雜於百執事之間投隙抵巇已足為患況居侍從之列乎況居承弼之任而潛植私黨布滿要津乎蓋二三大臣者人主之所與分別賢否進退人才以畜天下之事自非同心一德協恭和衷彼此坦然一以國家為念無而一毫有已之私間於其間無以克濟若以小人叅之則我之

所矣而欲進之者彼以為害已而欲退之我之所否而欲退之者彼以為助已而欲親之且其可否異同不待勉爭力辨而後決但相與進退之間小為俯仰前却之態而已足以敗吾事矣是豈可不先以為慮而輕為他計以發其害我之機哉

荅曹立之曰元祐諸君不能開導君心固為有罪然謂不當斥逐小人使至相激則亦未通但當時施行有過當處此則不可不監耳陳天丘亦是不當權位故可以逶迤亂世而免於小人之禍若以其道施之朝廷而無所變通亦何望其能有益於人之國哉若熹自為之則必有深於元祐諸賢之為而陷於范滂陽球之禍必矣

與張元善書曰誠父迂後相見否聞渠曾與之隣居相與甚厚須有以警覺之縱不能回戈奮擊且得不為所使以害善良亦幸事也蕭

果卿初除御史虞丞相意也人或賀之蕭喟然曰彼見吾憤憤謂我不能言而以是處我也其輕我甚矣不數日首論其黨遂並攻之論者服其勇云

荅劉季章曰北閔邱狀時論似寢平榛中蜿蜒稍稍引去但恐主人意不堅牢或有反覆即其禍愈甚耳

荅何叔京曰竊聞深以去就為念又嘆從仕之害其所學浩然有故欵之志固吾人之所同然者仕州縣者迁就於法令之外猶或可以行所志之一二仕於朝者又不復有此但知其不可而冒進自處便不是了更無可說此所以徘徊之久而重於一行也

荅呂伯恭曰政事固欲簡靜但今時仕宦之人不務恤民多是故縱吏胥畏憚權豪凡有公事畧加點檢不無坐此二病者勢不得已須

差擇一二根治此外則切不敢有毫髮之擾財賦適州縣不得人弛廢殊甚為丞佐所迫亦不免遣人吏監禁斷遣然思為縣者亦豈不欲了辦財賦見知州郡何故如此逋慢想亦是有做不行處每握筆欲判此等文字未嘗不慨然太息乃知真是腐儒不敢諱人指目也平生讀書要作如何利益底事今到此等事更做不得中夜以思案不遑安處每誦韋蘇州句云身多疾病思田里邑有流亡愧俸錢此中百姓倏來忽往未嘗不低徊愧歎也

答方若水曰靜退之說亦甚善但今亦未是教人求退只是要作依本分識廩恥不敢自銜自鬻以求知求進耳然亦須是讀書窮理使方寸之間洞見此理知得不求自是本求⁶著分便是罪過不惟不可有求之迹亦不可萌求之之心不惟不得說著求字亦不可說著

不求字方是真能自守不求人知也

答范伯崇曰知老兄官守不苟又得賢守相聽從得以少伸已志深副所望向未唯恐應變之才有不周今乃如此信乎氣質之用小道學之力大而程子所謂一命之士苟存心於愛物於人必有所濟者非虛語也

答任行甫曰居今之世惟有一味退後不求人知為上策耳官卑祿薄雖不快意比之一介寒士區區數學仰食於人者則已為泰矣然若以為不足妄有覲覲恐所得無幾而後日之悔將有不可追者千萬深思

答詹元善曰承喻請祠之意深所未曉然元履已歸不知曾為辦此事否若素之意則以為政煩民困此正有官君子盡心竭力之時若

人人內顧其私各為自逸之計則分義廢矣祠官無事之祿本非義理所安前輩蓋非辭尊辭富則莫之肯為煮之不肖固不足言然居此官最久前後三請亦皆有故非以辭難就逸而為之也

答呂東萊曰區區所以不得不力辭者實以無功受賞求退得進於心有不安若一請不遂勢必再三以得請為期而後已然又不敢肆然直遂漠然不以為意則以君臣之義平昔講聞不為不熟今此除授雖未必直由中出而名為君命在臣子之心亦何敢傲然以不受為高哉此所以不免委曲懇祈宛轉調護計欲兩全公私不至交誠病而已

問君臣父子同是天倫愛君之心終不如愛父何也曰離叛也只是庶民賤人君子便不如韓退之云臣罪當誅兮天王聖明此語何

故程子云是好文王豈不知紂之無道却如此說是非欺誑衆人直是有說須是有轉語方說得文王之心出來看來臣子無說君父不是道理此便見得是君臣之義處莊子云天下之大戒二命也義也子之於父無適而非命也臣之於君無適而非義也無所逃於天地之間

丞相隴西李公祠堂記曰天下之義莫大於君臣其所以纏綿固結而不可解者是皆生於人心之本然而非有所待於外也然而世衰俗薄學廢不講則雖其中心之所固有且淪胥陷溺而為全軀保妻子之以後其君者徃々接迹於當世有能奮然拔起於其間如李計公之為人知天下之有安危而不知其身之有禍福雖以譏間竄斥屢瀕死而九其愛君憂國之心終有不可得而奪者是亦可謂一世

之偉人矣

伏節死義之士當平居無事之時誠若無所用者然古之人所以汲汲以求之者蓋以如此之人臨患難而能外死生則其在平時又能輕爵祿臨患難而能盡忠節則其在平時必能不詭隨平日無事之時得以用之則君心正於上風俗美於下足以逆折奸萌潛消禍本自然不至真有伏節死義之事非謂必知後日當有變故而預出此人以擬之也惟其平日自恃安寧便謂此等人材必無所用而專取一種無道理無學識重爵祿輕名義之人以為不務矯激而尊寵之是以綱紀日壞風俗日偷非常之禍伏於冥冥之中而一旦發於意慮之所不及平日所用之人交臂降叛而無一人可同患難然後前日擯棄流落之人始復不幸而著其忠義之節以天寶之亂觀之

其將相貴戚近幸之臣皆已頓顙賊庭而起兵討賊至於殺身湛族而不悔如巡遠景卿之類則遠方下邑人主不識其面目之人也使明皇早得巡等而用之豈不能消患於未萌巡等早見用於明皇又何至真為伏節死義之舉哉

荅吳晦叔曰兩魏之分東則高歡西則宇文泰已非復魏室矣當是之時見微之士固已不立乎其位不幸而立乎其位其賤者乎則亦去之可也其貴者乎則左右近臣從君於西社稷大臣守國於東皆必思所以安國靖亂興復長久之計不濟則繼之以死而已此外復何策哉

荅劉智夫曰熹涕泣再拜恭聞至尊壽皇帝聖奄棄萬方痛纏普率況以孤賤蒙恩賜被悲痛崩摧豈勝號訴想在朝之久尤當同此情

也比來物情事勢復如何人還千萬悉以所聞見告濫叨藩守不能
有以匡衛王室永負臣子之責為萬世之罪人矣

與留丞相書曰鄙性狷急不能俯仰前日所以杜門窮山甘忍窮餓
而不敢有意於仕宦正以此耳今年六十有一衰病浸凌行將就木
乃欲變心從俗以為僥倖俸錢祿米之計不亦可羞之甚乎

答呂伯恭曰前後誨諭之意非不詳悉亦竊自念一向如此窅於大
義有所不安又思今日致身事主以扶三綱者世不乏人決不至以
熹故遂使大倫至於廢闕故願乞其庸繆衰殘之身以偷安自逸盡
此餘年

答陳同父曰行止忤合付之時命有不足言矣就其不遇獨善其身
以明大義於天下使天下之士皆知吾道之正而守之以待上之使

令是乃所以報不報之恩者亦豈必進為而撫世哉佛者之言曰將此身心奉塵刹是則名為報佛恩而杜子美詩曰四隣耒耜出何必吾家操此言皆有味也夫聖賢固不能自為時然其仕止久速皆當其可則其所以自為時者亦非他人之所能奪矣豈以時之不合而變吾所守以徇之哉

故樂堂記曰幼而學強而仕老而歸故而樂此恒物之大情而士君子之所同也而或者怵迫勢利睽睽軒冕印鞞之間老而不能改或改矣而酣豢之餘厭苦淡泊願慕疇昔不能忘情方且咨嗟戚促自以為不得其所豈知歸之為樂哉

右君臣

答呂伯恭曰學者多好高只是將義理略從肚裡過却翻出許多說

話舊見此間人做昏書亦說天命人倫男昏女嫁自是常事蓋有厭
卑近之意故須將日用常行底事裝荷如此只是不為己不求益只
是好名圖好看亦聊以自誑如南越王黃屋左纛縣聊以自娛耳

答胡伯逢曰男女居室人事之至近而道行乎其間此君子之道所
以費而隱也然幽暗之中祔席之上人或褻而慢之則天命有所不
行矣此君子之道所以造端乎夫婦之微密而語其極則察乎天地
之髙深也然非知幾慎獨之君子其孰能體之易首於乾坤中於咸
恒禮謹大昏而詩以二南為正始之道其以此歟知言亦曰道存乎
飲食男女之事而溺於流名不知其精又曰接而知有禮焉交而知
有道焉惟敬者能守而不失耳亦此意也
夫婦則情意密而易於陷溺不於此致謹則私欲行於玩狎之地自

欺於人所不知之境人倫大法雖講於師友之前亦未保其不壞於幽隱之處倘知造端之重隱微之際戒慎恐懼則是工夫從裏面做出以之事父兄處朋友皆易為力而有功矣

李燾問近於家間區處一二事便覺上下睽隔情意寢薄欲遂置而不問則諸事不整不知且只於身上自理會莫屑屑問他如何答曰威如之吉反身之謂也

或問古人出妻有以對狗叱狗蒸蒸不熟者亦無甚惡而遽出之何也曰此古人忠厚之道也古之人交絕不出惡聲君子不忍以大惡出其妻而以微罪去之以此見其忠厚之至也且如叱狗於親前者亦有甚大故不是只為他平日有故曰此一事出之耳或曰彼以此細故見逐安能無辭無他人不知是與不是則如之何曰彼又自知

其罪但自己理直可矣何必教他人知然有識當自知之也如父待
彰暴其妻之不善使他人知之是亦淺丈夫而已君子不如此大凡
人說話多欲令彼曲我直若君子自有一箇含蓄意思或曰古人有
之出妻令其可嫁絕交令其可交乃此意否曰是

與劉共甫書曰上流之重當此之際寄任亦不為輕更願進德愛身
勿為華靡細娛牽制面套則於此不難處矣孔明擇婦正得醜女奉
身調度人所不堪彼其止大之氣經綸之蘊固已得先天資然竊意
其智慮之所以日益精明威望之所以日益隆重者則寡欲養心之
助與為多焉

與陳師中書曰自明之亡行且期矢念之怛然痛恨如新其家中復
如何朋友傳說令女弟甚賢必能養老撫幼以全柏舟之節此在丞

相夫人擬勸挾植以成就之使自明改為忠臣而其室家生為節婦
斯為人倫之義事計老兄昆仲必不憚贊成之也昔伊川先生嘗論
此事以為餓死事小失節事大自世俗觀之誠為迂濶自知經識理
之君子觀之當有以知其不可易也
答呂伯恭曰熹私門禍故老婦竟不起疾悲悼不可為懷兒子遠歸
已後其母尤切傷痛也一體胖念情義不輕而自此門內細碎便有
不得不開心者哀慟詎復堪此奈何奈何
昨聞尊嫂宜人奄忽喪逝深為驚愕即欲遣人致慰問而未暇及便
中乃辱手書訃告益愧不敏惟竊伉儷義重痛悼難堪然尊體未盡
平復深宜節抑以為朋友之望也
聞男女有別然後父子親答漢武帝弱於聲色游燕後庭父子不親

遂致戾太子之變是亦夫婦無別而父子不親之一證語在戾太子傳可檢者然亦非獨此也

右夫婦

童蒙須知曰凡侍長者之側必正立拱手有所聞則必誠實對言不可妄

凡道路遇長者必正立拱手疾趨以揖

凡侍長者出行必居路之右住必居左

右後也
左前也

凡稱號長上不可以字必云某丈如弟行者即云某姓某丈

答嚴時亨曰親、長、貴、尊賢皆天下之大經固當各有所尚然

不可以此而廢彼故鄉黨雖尚肯而有爵者則俟賓主獻酬禮畢然後入又席于尊東使自為一列不為衆人所壓亦不壓却他人即所

謂遵也如此則長長貴貴却不相妨固不以貴先於爵尔不以爵加於貴也

廖晉卿請讀何書公心放已久可且收斂精神王藻九容處子細曰體認待有意思却好讀書辨奸論謂事之不近人情者鮮不為大奸慝每常嫌此句為過當今見得尔有此樣人某向年過江西與陸子壽對語而刘淳叟獨去後面角頭學道家打坐被烹罵云便是烹與陸丈言不足聽亦有數年之長何故恁地作怪從陸子靜者不問如何箇箇學得不遜只從他門過便學得悖慢無禮無少長之節可畏可畏

右長幼

跋黃仲本用友說曰人之大倫其別有五自首聖矣皆以為天之所

叙而非人力之所能爲也然以今考之則惟父子兄弟爲天屬而以人合者居其三焉是則若有可疑者然夫婦天屬之所由而續者也君臣者天屬之所賴而全者也朋友者天屬之所賴而正者也是則所以綱紀人道建立人極不可一日而偏廢雖或以人而合其宗天理之自然有不得不合者此其所以爲天之所而叙非人之所能爲者也然是三者之於人或能具其形矣而不能保其生或能保其生矣而不能存其理又欲君臣父子兄弟夫婦之間交盡其道而無悖焉非有朋友而責其善輔其仁其孰使之然哉故朋友之於人倫其勢似輕而所係爲甚重其分若疎而所關爲至親此古之聖人脩道立教所以又重乎此而不敢忽也然自世教不明君臣父子兄弟夫婦之間既皆莫有盡其道者而朋友之倫廢闕爲尤甚世之君子雖

或深病其然未必深知其所以然也予嘗思之父子也兄弟也天屬之親也非其乖離之極固不能輕以相棄而夫婦君臣之際又有難出乎物情事勢而不能自己者以故雖或不盡其道猶得以相牽聯比合而不至於盡懷至於朋友則其親不足以相維其情不足以相固其勢不足以相攝而為之者初未嘗知其理之所從哉之所任其重又如此也且其於君臣父子兄弟夫婦之間猶或未嘗求盡其道則固無所藉於責善輔仁之益此其所以恩疎而義薄輕合而易離亦無怪其相視漠然如行路之人也夫人倫五有而其理則一朋友者又所藉以維持是理而不使至於悖焉者也由夫四者之不求盡道而朋友以無用廢然則朋友之道盡廢而責善輔仁之職不果彼夫曰者又安得獨立而久存哉

荅李伯諫曰孔門弟子之從其師厄窮飢餓終其身而不敢去程氏之門已仕者忘爵祿未仕者忘飢寒此亦必有謂矣

荅劉公度曰未書深以不得卒業於湖湘軒南為恨此見志道之篤然

往者以銜鬻之嫌而緩於請益亦太不勇矣彼自干名我自講學彼亦安能浼我耶三千之徒豈皆確然為道而未彼若以自附為嫌則顏曾之徒亦且不屑於孔氏之門矣

潘叔度與呂伯恭為同年進士年又長自視其學非伯恭比即俯首執弟子禮而師事之略無難色斯為今世所無

荅劉平甫曰一切病痛日用工夫只在當人著實向前自家了取本不用與人商量亦非他人言說所能干預縱欲警覺同志只令舉起話頭令其思省其聞之者亦只令極省提掇向自己分上着力不當

更着言語論難應對

荅程正思曰異端紛紛不必深辨且於自家存養講學處朝夕點檢是切身之急務朋友相信得及者密加評訂自不可廢切不可於稠人廣坐論說是非著書立言肆意排擊徒為競辨之端無益於事向未蓋常如此今乃悔之故不願賢者之為之耳

童蒙須知曰凡聞人所為不善下至婢僕違過宜且包藏不應便聲言當相告語使其知改

荅胡季隨曰來書譏項平父出入師友之間不為不久而無所得愚亦恐賢者之不見其睫也日月逝矣歲不我與願深省且將大學論語孟子中庸近思等書子細玩味逐句逐字不可放過久須見頭緒不可為人所誑虛度光陰也

熹憂患侵凌未日無幾思與海內知友痛相切磨以求義理之至極
而之末世以繼聖賢傳付之望而誰羣索居無由會合如季隨者尤
所期重而相去甚遠再見恐不可期此可為深嘆恨也

閑中時有朋友遠來講學亦有一二可告語者此道之傳庶幾未至
斷絕獨恨相望之遠得聚首盡情極不論以求真是之歸尚此恨恨
耳

荅張敬夫曰某窮居如昨無足言者但遠師友之益兀兀度日去讀
書及已固不無警省處終是旁無彊輔日循汨沒尋復失之近日一
種向外走作心悅之而不能自己者皆準止酒例戒而絕之似覺省
事但地遠不能數見為恨耳

荅劉平甫曰近來游徒稍難與此曹交處最易親狎而驕慢之心日

滋既非所以養成德器其於規聽亦自不美所損多矣有旺家者猶以近習傷德害政况吾徒乎然亦非必絕之但吾清心省事接之以時待之以禮彼將自踈如僕輩固不足道然平甫亦嘗見衡門之下有難賓乎以禮來者以禮接之亦嘗有流連酒炙把臂交游對床夜話者乎此不足為外人道但欲平甫自知而節之

答劉子澄曰日前為李緩於為已追思凡百多可悔者所論著亦坐此病多每著實處回首茫然計非歲月工夫所可救治以此猶不自快前時猶得敬夫伯恭時加規益得以警省二友云已耳中絕不聞此等語曰循偷情安得不至於此今乃深有望於吾子澄自此惠書痛加鑄誨乃君子愛人之意也將誠之聞到三山已久一向不得書其人彊敏可喜而忤狠之根不除又計較世俗利害太切、恐不免

上蔡鸚鵡之譏耳愧坐窮山無嚴師畏友之益其不為小人之歸也
鮮矣

與陳同父書曰老兄平時自處於法度之外不樂聞儒生禮法之論
非用友之矣如伯恭亦以法度之外相處不敢進其逆耳之論每
有規諷及宛轉曲互巧為之說然後敢發平日狂妄深竊疑之以為
愛老兄者似不當如此欲俟後會從容面罄其說不意罷逐之遽不
及盡此懷也今茲之故雖不知所由或未必有以召之然平日之所
積似亦無以集衆尤而信讒口者矣老兄高明剛決非吝於改過者
願以愚言思之絀去義利雙行王伯并用之說而從事於懲忿窒欲
遷善改過之事粹然以醇儒之道自律則豈獨免於人道之禍其所
以培植本根澄源正本為異日發揮事業之地者蓋尤大而高明矣

為相與之厚意忘其狂率敢盡布其腹心雖不足以贖務緩之罪名
或有補於將來耳

答何叔京曰熹少而魯鈍百事不及人獨幸稍知有意於古人為已
之學而求之不得其要晚親有道粗有得其緒餘之一二方幸有所
向而為之焉則又未及卒業而遽有山頽梁壞之歎張張然如瞽之
無目擗埴索途終日而莫知所適是以竊有意於用友之助顧以鄙
朴窮陋既不獲交天下之英俊以資其所長而天下之士其聰明博
達足以自立者又往往流於詞章記誦之習少復留意於此熹所以
趑趄於世求責善輔仁之益所得不過一二人而已

跋方伯謨家藏胡文定公手帖曰用友之交責善所以盡吾誠取善
所以益吾德非以相為賜也然各盡其道而無所為焉則麗澤之益

自有不能已者方生士繇出示所藏胡文定公與其外大父尚書呂
公手帖讀之使人凜然起敬若嚴師畏友之在其左右前後也嗚呼
數君子者其可謂盡用友之道而無所為矣其卓然有以自立於當
年而流風遺烈可傳於世者豈徒然哉三復歎息因敬書其後以致
區區尊仰之意云

與方耕道書曰所喻南軒病證極令人憂念旦夕專人候之當并拜
狀也幕客正宴密聲忠益未諭乃歆公廳播笏納劄誦言殊不成舉
措聞之駭嘆如是乃是專欲引善歸已明曲在人非主人所以千里
相招之意也又況如此則又大激同官之怒不使主人難處區區深
為老兄憂之方念正論衰息吾黨甚孤正當凡百詳審委曲調護使
人無可指議乃為盡善善以小故先自乖離外激眾怒內致眾疑殊

非策之得也況向來所辟西人游已望風引却今老兄更差做去就
豈不大損主人聲望至來諭所謂官吏縱弛此亦當以漸整頓豈容
一旦遽行商君之令乎居上以寬恐南軒自有規模若一向糾之以
猛恐非吾輩平日相講之意也更請裁之勿為過舉

林易簡問小學賓客之禮見於用友之章莫以一時之交必有切磋
之意相覲而善之曰不須如此理會賓主自是用友之類如鄉鄰往
返及師弟子之屬於五達道者用友之類若不入此門則無管攝處
矣

蔡延平李先生文曰道喪千載西程勃興有的其緒龜山是承龜山
之南道則與俱有覺其遠望門而趨惟時豫章傳得其宗一簞一瓢
凜然高風猗歟先生早自得師身世而忘惟道是資精義造約窮深

極微凍解冰釋發於天機乾端坤倪鬼秘神彰風運之變日月之光
爰暨山川草木昆虫人倫之正王道之中一以貫之其外無餘斷析
毫釐其分則殊體用混負隱顯昭融萬變酬酢浮雲太空仁孝友悌
灑落誠明清通和樂展也大成婆娑丘林世莫我知優哉游哉卒歲
以嬉迨其末年德盛道尊有耒耜衣發其藪昏侯伯聞風擁篲以迎
大本大經是度是程稅駕云初講義有端疾病乘之技窮醫彈鳴呼
先生而止於斯命之不韙誰實尸之合散屈伸消息盈虛廓然大公
典化為徒古今一息曷計短長物我一理孰為窮通嗟惟聖學不絕
綫如先生得之既厚以全進未獲施退未及傳殉身以歿孰云非天
烹也小生牝角超拜恭惟先君實惟源派淵淵侃侃歛衽推先冰壺
秋月謂公則然施及後人敢渝厥志從遊十年誘掖諄至春山朝榮

秋堂夜空即事即理無幽不窮相期日深見勵彌切蹇步方休繩鞭
已掣安車暑行過我衡門返旆相遭涼秋已分熹於此時適有命召
向所宜言及覆教詔最後有吾子勉之凡諸衆論子所自知奉以言
周旋幸不失墜旼裝朝叩計音夕至失群長號淚落懸泉何意斯言
而訣終天病不乳扶弼不飯含奔訃後人死有餘憾儀形未隔卒業
無期墜緒茫茫孰知我悲伏哭柩前奉奠以執不亡者存鑒亡誠意

右朋友

讀大紀曰宇宙之間一理而已天得之以爲天地得之以爲地而凡
生於天地之間者又各得之以爲性其張之有三綱紀之爲五常蓋
皆此理之流行無所適而不在

重建濂溪祠堂記曰道之在天下未嘗亡惟其託於人者或絕或續

故其行於世者有明有晦夫天高地下而二氣五行紛綸錯糅升降
往來於其間其造化發育品物散殊莫不各有固然之理而最其大
者則仁義禮智之性君臣父子昆弟夫婦朋友之倫是已豈以古今
治亂而存亡哉

孝悌說曰仁之為性愛之理也其見於用則事親從兄仁民愛物皆
其為之之事也但親者我之所自出兄者同出而先我故事親而孝
從兄而悌乃愛之先見而尤切者若君子以此為務而力行之至於
孝成而德立則目親而仁民仁民而愛物其愛有差等其施有漸
次而為仁之道生生而不窮矣此學孝悌所以為仁之本也
答呂子約曰熹嘗謂知乾坤變化萬物受命之理則知生而知死矣
盡親親長長貴貴尊矣之道則能事人而能事鬼矣

陳安卿問曰已分上已理會但應變處更望提誨曰今且當理會常
不理會變常底許多道理未曾理會得盡如何理會及聖賢說許多
道理且要濶心省去看通透後自能應及如禮樂射御書數許多周
旋升降文章品節之繁只是理會得熟道理便在上面又如律歷刑
法天地理軍旅官職都要理會識其規模大槩道理方浹洽通透文
今公只就一線上窺見天理便要通那萬事不得且如五常之教自
家而言只有父子兄弟夫婦終出外便有用友用友之中事上許多
及身有一官君臣之分便定這裏面又許多事都要講過他人於已
分上不曾見得泛視萬事固是不得而公已有箇本領工夫只捉定
這些子便了也不得

戊午讜議序曰君臣父子之大倫夫天之經地之義而所謂民彝也

故臣之於君子之於父生則敬養之沒則哀送之所以致其忠孝之誠者無所不用其極而非虛加之也以為不如是則無以盡乎吾心云爾然則其有君父不幸而罹於橫逆之故則夫為臣子者所以痛憤怨疾而求為之又報其讎者其志豈有窮哉故禮記曰君父之讐不與共戴天寢苦枕干不與共天下也而為之說者曰復讎可盡五世則又以明夫雖不當其臣子之身而為其友五世之外則猶在又報之域也雖然此特其庶民之事耳若夫有天下者承萬世無疆之統則必有萬世又報之讎非若庶民自高祖至玄孫親盡服窮而遂已也

與張敬夫書曰夫春秋之法君弑賊不討則不書葬者正以復讎之大義為重而掩葬之常禮為輕以示萬世臣子遭此非常之變則又

能復讎討賊然後為有以葬其君親者不則雖棺槨衣衾極其隆厚
實與妻之於壑為狐狸所食蠅蚋所嘍無異其義可謂深切著明矣
右通論

小學朱說重編卷之三

敬身

答游誠之曰心體固本靜然亦不能不動其用固本善然亦能流而
入於不善夫其動而流於不善固不可謂心體之本然亦不可不謂
之心也但其誘於物而然耳故先聖只說操則存存則靜而其動舍
則亡於是乎有動出入無時無出者亡也入者存也本無一定之時亦
知其向只此四句說得心之体用終始真妄邪正無所不備又見莫
得此心不操則舍不出即入別無閑處可安頓之意若如所論出入
有時者為心之止然則孔子所謂出入無時者乃心之病矣不應却
以惟心之謂欤一句直指而總結之也
學者須是求放心然後識得此性之善人性無不善只緣自放其心

遂流於惡天命在人便無不善處發而中節亦是善不中節便是惡
人之一性完然具足二氣五行之所稟賦何嘗有不善人自不向善
上去茲其所以為惡耳韓愈論孟子之後不得其傳只為後世學者
不去心上理會堯舜相傳不過論人心道心精一執中而已天下只
是善惡譬如陰陽在天地間風和日暖萬物發生此是善底意兩端
思及群陰用事則萬物凋瘵惡之在人亦然天地之理固是抑遏陰
氣勿使常勝學者之於善惡亦要於兩夾界處攔截分曉勿使纖惡
間絕善端動靜日用時加体察持養久之自然成熟

胡泳曰竊謂因物欲之淺深可以見氣質之昏明猶因惻隱羞惡可
以見仁義之端曰也是如此或問氣清底人自無物欲曰也是如此說
不得口之欲味耳之欲聲人人皆然雖是稟得氣清終不檢束便流

於欲

答陳同父曰所謂人心惟危道心惟微惟精惟一允執厥中者堯舜禹相傳之密旨也夫人自有生而梏於形体之私則固不能無人心矣然而又有得乎天地之正則又不能無道心矣日用之間二者并行迭為勝負而一身之是非得失天下之治亂安危莫不係焉是以欲其擇之精而不使人心得以雜乎道心欲其守之一而不使天理得以流於人欲則凡其所行無一行之不得其中而於天下國家無所處而不當

以飲食言之凡飢渴而欲飲食者皆人心也然又有義理存焉有不
可以食者陸子靜云舜若以人心為全不好則須說不好使人去之
今只說危危者不可據以為安耳此言亦自是程子云人心人欲也

曰人欲也未全是不好若無道心以御之則一向入於邪惡又不止於危也

為學大要只在求放心此心流溢無所收拾將甚處做管轄處其他用工總閑慢須先就自心上立得定決不雜則自然光明四達照用有餘凡所謂是非善惡亦不難辨矣況天理人欲決不兩立須是全在天理上行方見人欲消盡義之與利不待分辨而明至若所謂利者凡有分毫求自利便處皆是便與克去不待顯著方謂之利此心須令純純在一處不可令有外事參錯遇事而發便要果決行去勿顧慮若臨事見義方復遲疑則又非也仍須勤勤把將做事不可頃刻放寬日日時時如此便見驗人之精神習久自成大凡人心若勤緊收拾莫令放縱逐物安有不得其正者若真箇捉得緊雖半月見

驗可也

人常收拾箇身心使精神常存這裡似擔百十斤擔相似須硬着筋骨擔

佛家一向撒去許多事只理會自身已其教雖不是其意思却是要自理會所以他那下常有人自家這下自無人今世儒者能守經者理會講解而已看史傳者計較利害而已那人要直是理會身已從自家身已做去不理會自身已說甚別人長短程子曰不立已後雖向好事猶為化物不得以天下萬物撓已已立後自能了當得天下萬物只是從程先生後不再傳而已袁所以熹嘗說自家這下無人諸生書畢曰但於操守處更加工夫周賁卿曰非不欲常常持守說但志不帥氣臨事時又變遷了曰只是亂豈是由他自家正要待說

他去時撥轉來為人由已而由人乎止吾止也往吾往也

操存豈能常操其始也操得一霎時旋旋到一食時或有走作亦能
常常警覺久久自能常存

為同安主簿時夜聞鍾聲一聲未了此心便自走作因是警省得以
長進

感興詩曰微月墜西嶺爛然衆星光明河斜未落斗柄低復昂感此
南北極樞軸遙相當太一有常居仰瞻獨煌煌中天照萬國三辰環
侍旁人心要如此寂感無邊方

荀子曰心卧則夢偷則自行使之則謀熹自十六七讀時便曉得此
意蓋偷心是不知不覺走去底不由自家使底倒要自家去捉他使
之則謀這却是好底心由自家使底

尊德性齋銘曰惟皇上帝降此下民何以與之曰義與仁惟義與仁惟帝之則欽斯承斯猶懼不克孰昏且狂苟賤汙卑淫視傾聽惰其四支襲天之明慢人之紀甘此下流衆惡之委我其鑑此祗栗厥心有幽其室有赫其臨執玉奉盈湏臾顛沛任重道悠其敢或怠

學者為學未問真知與力行且要收拾此心有箇放頓處若收拾都在義理上安頓無許多胡思亂想則久久自於物欲上輕於義理上重須是教義理之心重於物欲如秤令有低昂即見義理自端的自有欲罷不能之意其於物欲自不暇及之矣苟操存捨亡之間無所主宰縱說得何益

存齋記曰許生升之築環堵之室請所以名者因念與生相從於今六七年視其學專用心於內而世之所屑一毫不以介於其間嘗竊

以為生之學蓋有意乎孟氏所謂存其心者於是存名其齋而告之曰抑嘗聞之人之所以位天地之中而為萬物之靈者心而已矣然心之體為不可以聞見得不可以思慮求謂之有物則不得於言謂之無物則日用之間無適而非是也吾子於此亦將何所用其力哉必有事焉而勿正心勿忘勿助長則存之之道也如是而存存而久久而熟心之為體必將燎然有見乎參倚之間而無一息之不存矣

學問只要此心常存聖賢之所以異於人亦只是此心存與不存而已聖人所以不思而得不勉而中從容中道者只是此心常存此理常明故能如此賢人所以異於聖人衆人所以異於賢人工夫亦只中道不要去戒謹恐懼他那工夫亦自未嘗停息

橫渠說做工夫處更精切似二程二程資稟高潔淨不大段用工夫
橫渠資稟有偏駁夾雜處他大段用工夫來觀其言曰心清時少亂
時多其清時視明聽聰四體不待羈束而自然恭謹其亂反是說得
來大段精切

或問存心曰非是別將事物存心如孔子曰居處恭執事敬與人忠
便是存心之法如說話覺得不是便莫說如作事覺得不是便莫做
亦是存心之法

荅蔡季通曰叔京云能存其心是之謂敬而熹以為惟敬所以能存
其心而論此兩日竟未能合以此見議論易差若實下日用工夫動
加防檢殆無以驗其是非也諸友相聚作何工夫一日之間須著一
兩時辰作科舉外工夫為佳

答方子實曰示喻主敬之說先賢之意蓋以學者未知持守身心散漫無緣見得義理分明故欲其且先習為端莊整肅不至放肆怠惰庶幾心定而理明耳程子之云只是持守得定不馳騖走作即是主一主一即是無適只是展轉相解非無適之外有主一主一之外又別有敬也

答潘叔度曰所諭敬者存在之謂此語固好然乃指敬之成功而言若只論敬字下工夫蓋所以持此心而欲其存在之術耳只着一畏字形容亦自見得故和靖尹公只以收斂身心言之此理至約若如來諭却似太濶翻也

來諭縷縷備見立志之遠歎服良深但所謂敬之為言所以名持守之理者於鄙意未安似蓋人心至靈主宰萬變而非物所能裁故縷

有持守之意即是此心先自動了此程夫子所以每言坐忘即是坐
馳又因默數倉柱發明其說而指示學者操存之道必曰敬以直內
又有以敬直內便不直矣之云也蓋惟整齊嚴肅則中有主而心自
存非是別有以操存乎此而後以敬名其理也

答胡季隨曰敬是病之藥矜持乃是服藥過劑反生他病之證原其
所因蓋為將此敬字別作一物而又以一心守之故有此病若知敬
只是自心自省當體便是則自無此病矣

答張敬夫曰以敬為主則內外肅然不忘不助而心自存不知以敬
為主而敬存心則不免得一箇心把捉一箇心外面未有一事時裏
面已有三頭兩緒不勝其擾擾矣就使實能把捉得住只此已是
大病況未必真能把捉得住乎儒釋之異亦只於此便分了如云常見

此心光燦：地便是有箇主宰了不知光者是真心乎見者是真心乎

荅周貴卿曰彼中朋友用工為學次第如何便中喻及向時每說持敬窮^理二事今日所見亦如是此但覺得先後緩急之序愈分明親切直是先要於持守上着力有進步處也

荅或人曰知得如此病不如此是敬若更問何由得如此則是騎驢覓驢只成一場閑說話矣誠敬固非窮理不能然一向如此牽連說過前頭恐蹉却脚下工夫也

荅程允夫曰大槩此事以涵養本原為先講論經旨特以輔此而已向來泛濫出入無所適從名為學問實何有亦可笑耳

程氏遺書云根本須先培養然後可立趨向又云學者須敬守此心

不可意迫當栽培深原涵養於其間然後可以自得今且要收斂此
心常提撕省察

陸德明問今只論涵養却不講究雖能閑邪存誠懲忿窒欲至處事
差失則奈何曰未說到差且如所謂居處恭執事敬若不敬便放
肆如此類不難知人却放肆不恭敬如一箇大公至正之路甚分明
不肯行却尋得一線路與自家意思合稱便是道理今人每如此
答蔡季通曰所論心之存亡得之前日得正思書說得終未明了適
答之云此心有正而無邪故存則正不存則邪不知渠看得淺如何
也但未論所謂深體大原而涵養之則又不必如此正惟操則自存動
靜終始不越敬之一字而已近方見得伊洛拈出此字真是聖學真
的要妙工夫學者於此處看察用工則不患不至聖賢之域也

已上言敬之成始大學或問首論敬字是也

潘子善問曰橫渠云心要洪放又曰心大則百物皆通小心則百物皆病孫思邈云膽欲大而心欲小竊謂橫渠之說是言心之體孫思邈之說是言心之用未知是否答曰心自有合要大處合要小處若只著題目斷了則便無可思量矣

中庸曰致廣大合要大處也詩曰小心翼翼合要小處也

荅唐元善曰夫義利之間所差毫末而殊路之歸異焉是以在昔君子之為學也莊敬涵養以立其本講究義利以發明之則其口之所誦也有正業而心之所處也有常分矣至於希世取寵之事不惟有所愧而不敢索亦有所急而不敢假焉今左右方讀水經而治詞業是何外慕之重而自待之輕耶

與林伯和書曰但日用應接思慮隱微之間每加察其善端之發

懽於吾心而合於聖賢之訓則勉勵而力行之邪志之萌愧於吾心而戾於聖賢之訓則果決而速去之大抵見善必為聞惡必去不使有頃刻悠悠意態則為學之本立矣異時漸有餘力然後以次漸讀諸書傍通當世之務蓋亦未晚今不頃預為過計之憂以失先後之序也若不務此而但欲為依本分無過惡人則不惟無以自進於日新正恐無本可據亦未必依本分無過惡也

荅嚴居厚曰示喻進學加工處甚善觸事未能不為事物所奪此是未遇事時存養不熟所以如此然又別無他歧不可欲速但常存此心勿令間斷詳明義理以栽培之則久當純熟明快矣

荅吳伯起曰且雷聞善感發判然義理之間褻懦之餘警省多矣然一時意氣易得消歇正要朝夕講求義理以培植之不可專恃此以

為究竟也

荅呂子約曰文字雖不可廢然涵養本原察於天理人欲之判此是日用動靜之間不可頃刻間斷底事若於此處見得分明自然不到得流入世俗功利權謀裏去矣

荅時子雲曰但請逐日那三五分工夫將古今聖賢之言剖判義理處反覆熟讀時、思省義理何自而未利欲從何而有二者於人孰親孰疎孰重孰輕必不得已孰取孰舍孰緩孰急初看時似無滋味久之頃自見得合剖判處則自然放得下矣

荅朱魯叔曰風俗不好直道而行便見窒礙然在吾人分上只論得一箇是與不是此外利害得喪有不足言矣為學之要先須持已然後分別義理兩字令趨向不差是大節目也其他隨力所及而為之

務在精察而不貴於汎濫涉獵也

答劉季章曰天下只有一理此是即彼非此非即彼是不容並立故古之聖矣心存目見只有義理都不見利害可計較日用之間應事接物真是判斷得真截分明而推以及人吐心吐膽亦只如此更無回互若信得及即相與俱入聖矣之域若信不及即在我亦無為人謀而不盡底心而此理是非昭著明白今日此人雖信不及向後他人須有信得及底非但一時之計也若如此所論則在我者未免視人顏色之可否以為語默只此意思何由能使彼信得及乎然此亦無它只是自家看得道理自不端的故不能真知是非之辨而為此回枉不是說時病痛乃是見處病痛也

答葉平父曰人有此身使有所以為人之理與生俱生乃天之所賦

而非人力之所能為也凡為人者只合講明此理而謹守之不可昏
棄若乃身外之事榮悴欣戚即當一切聽天所為而無容心焉其自
至者亦擇其可而受之其不至者則無求之、理也此是終身立脚
地位不可分寸移易中夜以思痛自省察或能奮然一躍盡脫從前
三四十年的見聞染習之陋不亦快哉

人須有處恥孟子曰恥之於人大矣恥便是羞惡之心人有恥則能
有所為今有一樣人不能安貧其志銷屈以至立脚不住不知處恥
亦何所不至目舉呂舍人詩云逢人即有求所以百事非如論語先
說富與貴是人之所欲也不以其道得之不處也貧與賤是人之所
惡也不以其道得之不去也然後君子去仁惡乎成名必先教取舍
之際界限分明然後可做工夫不然則立脚不定安能有進

人最不可曉有人奉身儉嗇之甚充其操上食糲糠下飲黃泉底却
只愛官職有人奉身清苦而好色他只緣私欲不能克臨事只見這箇
重都不見別箇了或云似此等分數勝已下底曰不得如此說終有
病便不好更不可以分數論他只愛官職便弑父与君也

荅龔伯著曰示喻以門戶之故未免兩用其心於道全未有得此今
日士子之通患但窮達有命非可力求若其有之當不待求而自至
如其無之求亦奚益惟道義在我人皆有之而求無不得今乃以彼
而易此其於利害之筭可謂舛矣願以此而又思之庶乎有決也
荅滕德章曰補試得失如何此不見補試榜然計此亦分定矣惟銜
置不下徒自紛紜豈能移易毫髮於其間哉其所以害夫學問之道
者則為不細蓋物欲之私日交戰於胸中亦何暇而及於操存玩索

之功也耶

荅趙幾道曰讀書之士多是意思粗淺於義理之精微多不能識而墮於世俗尋常之見以為古今聖賢亦不過審於利害之義而已唯蘇黃門作古史序篇首便言古之聖賢其必為善如火之必熱水之必寒不為不善如騶虞之不殺竊脂之不殺於義理大綱領處見得極分明提得極親切雖其下文未能盡善只此數句已非近世諸儒所能及矣

荅石天民曰平生為學見得孟子論枉尺直尋意思稍分明自到湖中覺得朋友間却別是一種論議与此不相似心竊怪之昨在丹丘見誠之適說義理與利害直是一事不可分別此大可駭當時亦曾辨論覺得殊未相領至與孟子董子之言例遭排擯不審尊兄平日

於此等見得如何幸更與諸公詳論見教熹竊以為今日之病惟此為大其餘世俗一等近下見識未足為吾患也

孟子說未有仁而遺其親者也未有義而後其君者也便是仁義亦未嘗不利董子却說正其誼不謀其利明其道不計其功又是仁義未必皆利則自不免去彼而取此蓋孟子之言惟是理之自然到直截剖判却不若董子之有力也

張南軒曰學莫先於義利之辨而義也者本心之所當為而為者也一有所為而後為之則皆人欲之私而非天理之所存矣曰至哉言也其亦擴前聖之未所發而同於性善養氣之功者歟

已上言剖判義理

答周彞弼曰臨行所說務實一事途中曾致意否觀之今日學者不長進病痛長在此處但執案做工夫自然有得未須遽責效驗也

忠信者真宰而無偽也無些欠闕無些間劄樸宰頭做去無停住也
敬者收斂而不放縱也

已上言真宰做工

荅董叔重曰示喻日用工夫更於收拾持守之中乾思慮萌處察其
孰是天理孰是人欲取此捨彼以致敬義夾持之功為佳讀書亦是
如此自看大指却究諸說一一乾自己分上体當出來庶幾得力耳
荅劉仲升曰更乾自己身心上做工夫凡一念慮一動作便須看宰
体認此是天理耶是人欲耶子細辨別勇猛斷置勿令差悞

天理人欲只爭些字故周先生說幾字辨之又不可以不早故橫渠
每說豫字

幽隱之間乃他人之所不見而已所獨見細微之事乃他人之所不聞
而已所獨聞皆是常情之所忽以為可以欺天罔人而不知吾心之

灵皎如日月既已知之則其杵毫髮之間無所潛遁又有甚於他人之知矣况歲伏之久則其見於群音容貌之間發於行事施為之宰必有暴著而不可掩者是以君子既戒懼乎耳目之所不及而於此尤不敢不致其謹必使其幾微之際無人毫一欲之萌而純乎義理之發感與詩曰朱光遍矣宇微陰眇重惻寒威閉九野陽德昭窮泉文明昧謹獨昏迷有聞先幾微諒難忽善端本綿、掩身事齋戒及此仿未也閉關息商旅絕彼柔道率

酬張南軒詩曰昔我抱冰炭從君識乾坤始知太極溫要眇難名言謂有寧有跡謂無復何存惟應酬酢處特達見本原萬化自此出千聖同茲源曠然遠莫禦揚若初不煩云何學力微未勝物欲昏惰、始歛達已被黃流吞豈知一寸膠投此千丈渾勉哉共無歎此語期

相敦

已上言戒
慎矣微

問盡心存心盡莫是極至地位存莫是初存得這心否曰盡心也未
說極至只是凡事便須理會教十分周足無所闕漏處方是盡存也
非獨是初工夫初間固是操守存在這裏到存得熟後也只是存這
存字無始終只存這裏

答或人曰所謂存心者非拘執牽縛而加桎梏爲也蓋嘗於紛擾外
馳之時一有覺焉則即此而在矣勿忘勿助長不加一毫智力於其
間則是心也其庶幾乎

答程允夫曰必有事焉而勿正心勿忘勿助長此固是下工夫處然
於此須識得箇本體始得明道舉鳶飛魚躍活潑潑地以爲與此意
同須要識得方有下工夫處不然纔著意便是正不著意便是忘無

有是處勿正者乃是此心之存主處活潑之地

楊志之問橫渠曰始學之要當知三月不違仁與日月至焉內外賓

主之辨使心意勉而不能已過此幾非在我者曰且以屋喻之三

月不違者心常在內雖間或有出時然終是在外不穩終出即便入蓋心安

於內所以為主日月至焉者心常在外不穩終即便入是在內不安

終入便即出蓋心安於外所以為賓日主者一日一至月至者一月一

至此自外而至也不違者心常存日月至者有時而存此無他知有

至未至意有誠未誠知至矣雖驅使為不善亦不為知未至雖軋勒

使不為此意終迭出來故貴於見得透見得透則心意勉循自

不能已矣孔子所謂君子上達小人下達只在這些子若拗不轉便

下達去或曰存得此心便是仁曰且要存得此心不為私欲所勝遇

事時每、着精神照管不可随物流去須要緊、守着若常存得此
心應事接物雖不中不遠思慮紛擾于中是不能存得此心此心不
存合視聽也不知視合聽聽也不知聽或問莫在敬否曰敬非別是
一物常喚醒此心便是人每、只鶻、突、過了不曾收拾在裏面
求放心齋銘曰天地變化其心孔仁成之在我即主于身其主伊何
神明不則發揮萬變立此人極晷刻放之千里其奔非誠曷有非敬
曷存孰放孰求孰已孰有在伸在臂及覆惟手防微謹獨惟守之常
切問近思曰惟以相

感與詩曰靜觀靈臺妙萬化從此出云胡自蕪穢及受衆形役厚味
分朶頤妍姿坐傾國崩奔不自悟馳驚靡終畢君看穆天子萬里窮
轍迹不有祈招詩徐方御宸極

人心眇不測出入乘氣機凝冰亦焦火燭論亦天飛至人秉元化動
靜休無違珠藏澤自媚玉韞山含輝神光燭九垓玄思徹萬微塵縹
今寥落嘆息將安歸

問涵養於未發之初令不善之端旋消則易為力若發後則難制曰
聖矣之論正要就發處制惟子思說喜怒哀樂未發之中謂孔孟教人
多從發處說未發固當涵養不成說發後便都不管

荅胡季隨曰夫謂未發之前不可着力者本謂於此不可探討尋究
也則固無害於涵養之說謂當涵養者本謂無事之時常有存主也
謂省察於將發之際者謂謹之於念慮之始萌也謂省察於已發之
後者謂審之於言動已見之後也念慮之萌固不可以不謹言動之
著亦安得以不察

答呂子約曰若必以未有見聞為未發處則只是一種神識昏昧底人睡未足時被人驚覺頃刻之間不識四到時節有此氣像聖人之湛然惛靜聰明洞澈決不如此若必如此則洪範五事當云貌曰儻言曰咂視曰盲聽曰聾思曰塞乃為得其性而致知居敬費盡工夫只養得成一枚癡黠罔兩漢干不是萬不是

答方賓王曰心固不可不惛然靜而有以存之動而有以察之則其体用亦昭然矣近世之言識心者則異析是蓋其靜也初無持養之功其動也又無体驗之案但析流行發見之處認得頃刻間正當底意思便以為本心之妙不過如是擎拳作弄做元来大事者不知此只是心之用耳此事一過此用便息豈有只據此頃刻間意思便能使天下事之物、無不得其當之理耶所以為其學者析其工夫到處

亦或小有效驗然亦不難此處而其輕肆狂妄不顧義利之弊已有不可勝言者此真不可以不戒

荅吳德夫曰承喻仁字之說足見用力之深熹意不欲如此坐談但直以孔子所示求仁之方擇其一二切於吾身者篤志力行之於動靜語默之間勿令間斷則久久自當知味矣去人欲存天理且擬所見去之存之既深則似天理而察人欲者次第可見今大體未正而便欲察及微細恐有放飯流啜而問無齒決之譏也

荅伯任起曰示喻靜中私意橫生此學者之通患也能自省察至此甚不易得此當以敬為主而深察私意之萌多為何事就其重處痛加懲窒久之純熟自當見效不可計功於旦暮而多為說以亂之也且專意就日用處做涵養省察功夫未必不勝讀書也

答吳伯豐曰學問臨事不得力固是靜中欠却工夫然欲舍動求靜
又無此理蓋人之身心動靜二字循環反復無時不然但常存此心
勿令忘失則隨動隨靜無處不是用力處矣且更着力不可只於文
字上作活計也

已上言動靜循環無時不然故靜存
動察皆不可闕而亦必以靜為主

荅石子重曰衆人之靜則論於靜而無動惟聖人無人欲之私而全
乎天理是以其動也靜之理未嘗亡其靜也動之機未嘗息然而曰
主靜云者蓋以其相資之勢言之則動有資於靜而靜無資於動如
乾不專一則不能直遂坤不翕聚則不能發散龍蛇不蟄則無以奮
尺蠖不屈則無以伸亦天理之必然也

又云頂是涵養
未發原情則流清德明

云喻敬字工夫於應事處用力為難此亦常理但看聖人說行篤敬執事
敬則敬本不為默然無為說也須向難處力何持守庶幾動靜如一耳克

已亦別無巧法譬如孤軍猝遇強敵盡得舍生向前而已尚何問哉
答潘子善曰所謂為學之意矣善然欲專務靜坐又恐墮落那邊去
只是虛着此心隨動隨靜無時無處不致其戒謹恐懼四字已是壓得重了要之
主宰分明義理昭著矣然着箇戒謹恐懼四字已是壓得重了要之
只是畧綽提撕令自省覺便是工夫也

答廖子晦曰二先生所論敬字須該貫動靜者方得方其無事而存
主不懈者固敬也及其應事而酬酢不亂者亦敬也曰无不敬儼若
思又曰事思敬執事敬豈必以攝心坐禪而謂之敬哉

答呂子約曰所論主一主事之不同恐亦未然主一只是專一蓋無
事時湛然安靜而不驚於動有事則隨事應變而不及乎他是所謂
主事乃所以為主一也若是有所係戀却是私意雖似專一不舍然

既有係戀則必是事已過而心未忘身在此而心在彼者此其支離
畔援與主一無適非但不同直是相反今比而同之亦可謂不察矣
荅寥子晦曰遊居獨處之時物有未感理所當應而此心頑然固執
不動則此不動處便非正理又如應事接物處理當如此而吾所以
應之者乃如此則雖未必出於血氣人欲之私然似此亦是不合正
理既有不合正理則非邪妄而何恐不必言未克份擾敬不得行然
後為有妄之邪心也

敬齋銘曰正其衣冠尊其瞻視潛心以居對越上帝足容必重手容
必恭擇地以蹈折旋蟻封出門如賓承事如祭戰戰兢兢罔敢或弛
守口如瓶防意如城洞屬罔敢或輕不東以西不南以北當事
而存靡他其通勿貳以二勿叁以三惟精惟一萬變是監從事斯

墨卿司戒敢告靈臺

恭主容敬主事著心做不易其心而為之是敬恭形於外敬主於中

自誠身而言恭較緊自行事而言敬為切

敬是就心上說恭是對人而言

遺也但求逐項用力但試看案持守体認當自見耳

有畏則當不敢自欺而進於誠矣此程子之意也

又云敬只是箇敬
畏懼不能致而

只是箇朴直
慤字不欺誑

荅曾致虛曰所喻誠敬之說甚善但歛夫之意亦非直謂學者可以不滅蓋以為既曰持敬便合字有持敬之心不容更為不滅之敬必待別著誠字然後為誠也大抵誠字在道則為字有之理在人則為字然之心而其維持主宰專在敬字今但字然用力於敬則日用工夫自然有統會處而道侔之中名字異同先後本末皆不相礙若不以敬為事而徒曰誠則所謂誠者不知其將何錯且五常百行無非可願雜然心目之間又將何所擇而可乎

名堂記曰堂旁有夾室暇日默坐讀書其間名其左曰敬齋右曰義齋蓋嘗讀易而得其兩言曰敬以直內義以方外以為學之要無以易此而未知其所以用力之方也及讀中庸見其所論脩道之教

而必以戒慎恐懼為始然後得夫所以持敬之本又讀大學見其所
論明德之序而必以格物致知為先得夫所以明義之端既以觀夫
二者之功一動一靜交相為用又有合乎周子太極之論然後又知
天下之理幽明鉅細遠近淺深無不貫乎一者樂而玩之固足以終
吾身而不厭又何假夫外慕哉

敬以直內是無纖毫私意肯中洞然徹上徹下表裏如一義以方外
是見得是處決定恁地不是處決定不恁地截然而方々正々須是自
去做工夫

答項平父曰只持一箇敬字更不做集義工夫其德亦孤立而易窮
矣此心固是聖矣本領然學未講亦有錯認人欲作天理處不可不
察

敬義齋銘曰惟坤六二其德直方君子侔之為道有常內而立心曰
直是貴惟敬則直不偏以陂外而制事曰方是宜惟義則方各當其
施曰敬伊何惟主于一凜然自持神明在側曰義伊何惟理是循利
害之私固旧其真靜而存養中則有主動而酬酢莫不中矩大哉敬
乎一心之方至哉義乎萬事之綱敬義夾持不貳不忒表裏洞然上
達天德昔有哲王師保是詢丹書有訓西面以陳敬与怠分義与欲對
一長一消禍福斯在怠心之萌闇焉沈昏欲心之熾傷乎狂奔惟此
二端敗德之賊必壯厥猷如敵斯克怠欲既泯敬義斯存直方以大
恢德于坤一念少差視此齋扁嚴師在首永昭無倦

山集未知誰作今
姑錄此視者詳之

此銘並見於朱
子大全及真西

敬以直內義以方外這箇常在目前此乃治心之要法如博文約禮

却說得寬且說人生天地間裡面便具許多物事少間發出便是義
熱人之資稟不同聖人又教人去讀書不讀書時所謂敬便是在別
路去義二不是故須是博文既博文若不踐履便讀得博也不過資
口耳於身何益故又須約禮敬義文礼直從心裏下工夫出至此備
矣其次則須曉得義利之辨這箇坑十人跌了九箇平時口頭說得
天花亂墜統到這裏便委曲遷護心口不相應都不濟事又其次則
勉為之斃而後已莫說日暮途遠便了盡得這六條方做得一箇
人又曰第五關極是難過人須有箇超然底意思超然於事物之表
且天命流行富貴貧賤生死壽夭自有一定不易道理看你將來受
那得箇水論語一書聖人只管於這一邊向人說如稱顏回庶幾於
道却只是屢空是見得他能忍得貧子貢不受命只管積財但能億

則屢中耳又如恥惡衣惡食小人長戚之須從細微處便為他磨去了今人須立箇小小界限如自家有屋粗可住生計不至空乏使自足了外此豈吾之所當念又曰千萬照管這處打不過那上面四件便是盡得也只是閑說

已上歷舉恭敬誠敬義文禮義利而申言之

荅黃直卿曰所謂難窘之狀令人惻然不知何故前此都不說着今乃一旦驟至此耶自困固輟無力相調深負愧恨也然於此患難之際正當有以自處不至大段為彼所動乃見學力不然即与世俗戚戚於貧賤者何以異耶

荅任伯起曰所喻已悉比亦甚以為疑意謂世味漸深遂已無復此志今乃猶有愧恨之心足以見善端之未泯也一旦幡然如轉戶樞亦何難之有哉意衰病之軀飲食起居尚未能如舊流放寬強久已

置之度外諸生遠來無可遣之理亦須符到奉行難以遽自忽也
詳觀未喻似有仰人鼻息以為倖舒之義意方寸之間日如此則與
長戚者無以異矣若欲學道要須先去此心然後可以語上上蔡
言透得名利關方是小歇處今之士大夫何足道能言真小鸚鵡也
不知曾見此書否

以利害禍福言之此是至粗處此處人都信不及便講學得待如何
後安頓處今人開口只解說一飲一啄自有定分及遇小利害便
生趨避計較之心古人刀鉅在前鼎鑊在後視之如無物者蓋緣只
見得道理不見那刀鉅鼎鑊

心寬平便大不要先有私意隔礙心大則自然不急迫如有禍亂之
來亦不須驚恐有所獲亦未要便歡喜少間未必不禍更轉為福

更轉為禍

困厄有輕重力量有大小若能一日十二辰點檢自己念慮動作都是合宜仰不愧俯不作如此而不幸填溝壑喪軀殞命有不暇恤只得成就一箇是處如此則方寸之間都是天理雖遇大困厄致命遂志而已亦不知有人之是非向背惟是其而已

荅吳伯起曰今人戚不能信命者固無足道然謂付之造物亦非極執之語此處儘要見得分明則使不動心

荅廖子晦曰所論已悉但事已如此不若且靜而聽之吾人所學正要此處呈驗若有些利害便不免開口告人却与不學之人何異向見李先生說若大段排遣不去只思古人所遭患難大不可堪者持以自比則亦可以少安矣始者甚卑其說以為何至如是後來臨

事却覺有得力處不可忽也此間有吳伯起者不曾講學後來聞陸
子靜門人說話自謂有所解悟便能不預利害及至作令終被對移
他邑主簿却不肯行而百般求免意嘗笑之以為何至如此若對移
作指使即逐日執杖子去知府廳前唱喏若對移做押録即抱文案
去知縣案前呈覆更做耆長壯丁亦不妨与他去况做主簿乎只不
能用竟至憤鬱成疾而死當時若放得下却未必死今不免死而枉
陪了许多下情所共愈多雖其臨時失計斷決亦是平日欠了持論
也志士不忘在溝壑勇士不忘喪其元此夫子所以有取於虞人而
孟子亦發明之李先主說不忘二字是活句須向這裏采取愚謂若
果識得此意辦得此心則無入而不自得而彼之權勢威力亦皆無
所施矣

已上言固窮安命

荅潘叔度曰忍疾之意發於羞惡之端固有不可已者然至於加一
忍字頗知自家這裏有病了此亦深歎面諭之尤緊切若恨未有其
便耳

荅張敬夫曰前軍所謂下士晚聞道聊以拙自脩者若充擴不已補
復前非庶其有日旧讀中庸慎獨大學誠意毋自欺處常苦求之大
過措辭煩猥近日乃覺其非此正是切近處痛自檢勅凜然度日惟
恐有怠而失之也傷急不容耐之病固亦自知其然深以為苦而未
能革美得伯恭朝夕相處當得減損但地遠不能數見為恨耳
荅蔡季通曰所諭已悉但只中自甚愧便是病根不若從此痛自剗
絕無以此等為愧而深求可愧之案不必更為月攘之計以俟年未
庶乎朽遷善改過有日新之功而膏中之浩然者無所不悔而日充

矣如其不然則平日誦論徒為虛語臨事之際依然只是平日氣習
世俗常情熹寧懼焉昨日讀通鑑至祖固論郭鮮有溫良汎愛絕異
之資而不入於道德以至於殺身亡宗處方為之掩卷太息以為天
理人欲之間毫釐一差其為禍福之不同乃至於此今日晨卧未起
得昨日成刻所貽書於此心復有戚之焉
荅汪長孺曰頃他人見得自家長進自家却只見得欠闕始是真長
進耳又覺得尋常點檢他人頗甚峻却畧無假借而未必室中其人
之病此意亦太輕率未知竟如此覺察否
荅杜仁仲曰仁仲又已克躬之意甚切雖未知所病者何事然既知
所病即內自省而亟改之耳何暇貼口誦言以求既往之失而求改
過之名哉今不亟改而徒言之又自表其未有改之之宰也則病中
生病名外求名不但無益而已

荅何叔京曰未春又當東走政和展墓南下危川省親此行所過田
滯非兩三月不足往返比獲寧居當復首夏光陰幾何而靡敝行事
役道路之間動涉時序雖隨事應物不敢弛其警省之功然客氣盛
而天理微才涉紛擾即應接之間尤多糾逆未教一言未終已覺其
有過言一事未終已覺其有過行者在高明未必然而臺榭當之矣
荅章季思曰見吳者資質本自過人但從前本欲誑人却又為人所
誑今日一聞逆耳便能發悟打心不易得也然克己固學者之急務
亦須見得一物道理了分明方見日用之間一言一動何者是正
何者是非便打此處立定脚跟凡是已私不是天理者便克將去不
但輕躁二字也

劉屏山曰墓誌臺以童子侍疾一日請問先生昔入道次第先生欣
然告之曰吾少未聞道官莆田時以疾病始接見佛老子之徒聞其

所謂清淨寂滅者而心悅之以為道在是矣此悌讀吾書而有契焉
然後知吾道之大其体用之全乃如此抑吾作易得入德之門焉所
謂不遠復者吾^則之三字符也佩服周旋罔敢失墜嘗作復齋銘聖傳
論以見吾志然吾忘吾言久矣今乃相為言之汝尚勉哉
復齋記曰昔人^{者聖}作易以擬陰陽之消_朽上而息_朽下也其卦曰復
反也既徃而耒反也夫大德敦化而川流不窮豈假夫既消之氣以
為方息之資亦見其絕_朽彼而生_朽此而目以著其徃耒之象耳唯
人亦然大和保合善端無窮所謂復者非曰追夫已放之心而還之
錄夫已棄之善而屬之也亦曰不肆焉以騁_朽外則本心全体即此
而存固然之善自有所不能已耳嗚呼聖人_朽復之卦所以贊其可
見天地之心而又以為德之本者其不以此歟
答石子重曰苟欲聞過但當一_二容受不當復計其虛實則事無大

小而人皆樂告而無猜矣若切、計較必与辨爭恐非告以有過則喜之意也

荅蔡季通曰所謂一釁兩段者改過之勇固當如此改過貴勇而仿患貴切二者相須然後真可以脩慝辨惑而成德義成德之功不然則向未竊聆悔過之言非不切至而前日一釁兩段亦不可以此自恃而平居無事常存祇懼之心以防其隙則庶乎其可耳

荅陳膚仲曰聞有用度不足之憂何故如此豈非意太豪氣羞言撙節計量之事而又多徇人情應副求假不免有虛內事外之弊也耶此雖与齷齪細者相去懸隔其為失中則均恐亦當自省而改之也荅劉子澄曰所喻戲謔本款詞之巧而然此固有之然亦是自家有此玩弄之意以為之根而日用之間流轉運用機軸活熟致得臨事不覺出來又自以為信情辭巧主打愛人可以不害於義理故不復

更加防遏以至於此蓋不惟害事而所以害於心術者尤深昔橫渠先生嘗言之矣此當痛改而不可緩也已上言遷善改過

宋傑問嘗於親愛而僻上用工如兄之子常欲愛之如己子每以第五倫為鑑但愛己子之心終重於愛兄之子答曰常欲二字即十起之心也須見得天理發見之本然則所處厚薄雖有差等而不害其理之一矣右言心之用有厚薄之差

答劉公度曰至謂彼中朋友只有季章一人可望此未論其許與之當否然其言之發亦太輕矣向見伯恭說孔子順答魏王問天下之高士曰世無其人此一句似全不是孔子家法此言有味試更思之右言此心流行輕世

童蒙須知曰凡寫文字須高執筆墨錠端正研磨勿使墨汁汚手高執筆雙鉤端楷書字不得令手楷着毫

凡寫字不問寫得工拙如何且要一筆一畫嚴正分明不可老草
凡寫文字須要仔細者本不可差悞

書字銘曰握管濡毫伸紙行墨一在其中點一畫一放意則荒取妍
則惑必有事焉神明服德已上言寫字

荅黃商伯曰恕說亦佳但大學絜矩常在格物之後蓋須理明心正
則吾心之所欲所不欲莫不皆得其正然後推以及物則其處物亦
莫不皆得其正而無物我之間如其不然而以私意自便之心為主
又欲以是而及人則人道不立而驅一世以為姑息苟且之場矣
敬恕齋銘曰出門如賓承事如祭是存之敢有失墜已所不欲勿
施於人以此行之與物皆春胡世之人恣已窮物惟我所便謂彼奚
卹孰能及是欽焉躬躬于墻于義仲尼子弓內順于家外同于隣無
小無大同時怨悵為仁之功曰此其極敬哉恕哉永永無斁已上

右心術

答何叔章曰持敬之說甚佳但如所喻則須是天資儘高底人不甚
假脩為之力方能如此若顏曾以下須就視聽言動容貌詞氣上做工
夫蓋人心無形出入無定須就規矩繩墨上守定便自內外帖然
豈曰放僻邪侈折內而姑正容謹節折外乎且放僻邪侈正與莊整
齊肅相又誠能莊整齊肅則放僻邪侈決知其無所容矣此日用工
夫至要約處亦不能多談但請尊兄以一事驗之肅然端莊執事舉
格時此心如何急情類靡泯然不收時此心如何試折此審之則知
內外未始相難而所謂莊整齊肅者正所以存此心也
荅石子重曰克己之目不及思所論大槩得之然有未盡蓋竊謂供
範五事以思為主蓋不可見而行乎四者間之也然操之漸必有自
其可見者而為之法則切近明白而易以持守故五事之次思最在

後而夫子於此亦偏舉四勿而不及夫思焉蓋欲學者循其可見易
守之法以養其不可見不可係之心也至於久而不懈則表裏如一
而私意無所容矣程子四勿意止以此熟玩亦自可見

感與待曰衰哉牛山木斧斤日相尋豈無萌蘖生牛羊又未侵恭惟
皇上帝降此仁義心物欲互攻奪孤根難獨任及躬艮其背肅容正
冠襟保養方自此何年秀穹林

荅楊子直曰持敬之說不必多言但熟味整齊嚴肅嚴威儼恪動容
貌整思慮正衣冠尊瞻視此等數語而察加工焉則彼所謂直內所
謂主一自然不費安排而身心肅然表裡如一矣豈陸棠之謂哉彼
其挾詐欺人是乃敬之賊耳今又以敬之名悞之而謂敬之察真有
不可行者豈不誤甚矣哉大抵身心內外初無間隔所謂心者固主
乎內而凡視聽言動出處語默之見於外者亦即此心之用未始相

難也。今於其虛空不用之處則操而存之。於其流行運用之案則棄而不省。此於心之全體雖得^其半而失其半矣。然其所得之半又必待有所安排布置然後能存。故存則有揠苗助長之患。否則有舍而不耘之失。是則其所得之半又將不足以自存而失之。熟若一主於敬而此心卓然。內外動靜之間無一毫之間一息之停歇。

吾方耕道曰。開諭詳悉。足見進學不倦之意。以左右明敏彊毅之資。厲志於此。何患於不得。然以愚見論之。靜氣之間似猶未免急迫之病。所謂平心和氣寬以居之者。恐未有得力處也。須更於日用動靜語默之間。自立規程。深務涵養。毋急近效。要以變化氣質為功。若程子所謂敬者。亦不過曰正衣冠。一思慮。莊整肅。不慢不欺而已。但案下工夫時。習不懈。自見意味。不必懸加揣料。著語形容。亦不可近捨顯然。悔尤預虞微細差忒也。

荅潘叔昌曰細讀未喻是見為己之方但學者先須置身於法度規矩中使持於此者足以勝乎彼則自然有進步處如孔子之告顏淵以求禮勿視聽言動為克己之目亦可見矣若自無措足之地而欲搜羅剔抉於思慮隱微之中以求所人欲之難克者而克之則亦代翁代張沒世窮年而不能有以立矣躬所未逮姑誦所聞已深愧靦惟明者有以裁之

荅劉平甫曰無事勿出入蓋共甫兄不在宅中別無子弟門戶深闊事有不可勝虞者不惟惰遊廢業為不可賓客至者度無益於身事家事者少酬酢之則彼自不來矣切祝且溫習勿廢使有常業而此心不放則異日復相聚亦易收拾試思自去冬以來已過之日多少其間用心處放蕩幾何存在幾何則亦足以自警矣前以戲謔奉規能面意否先聖言君子不重則不威學則不固而曾講此至熟日用

之間只此一句勿令違失則工夫已過半千萬千萬惟力進所學力行所知

荅蔡季通曰昨日之別令人黯然然觀兵者靈之裕如又足強人意也不需晚間便發程否前途千萬加意調節言語諸事更宜謹密飲食戲笑皆宜切戒

荅江德功曰平日涵養不全則動容貌不免暴慢正顏色不出誠案出辭氣不免鄙倍矣一身且不能治雅^欲區、於礼文度数之末是何足以為治哉此乃聖門學問成已成物著宗效驗故曾子將死諄、言之非如異端揚眉瞬目妄作空言之比也

荅廖子晦曰巧言令色為失其本心此非不是且巧言不亦專為譽人過案大凡辭色之間務為華飾以悅人之觀聽者皆是陳淳問盤坐於理有害否曰古人席地亦是盤坐又有跪坐者君前

臣跪父前子跪兩膝頭屈前著地觀畫面可見古人密處未見得其
殊即是以此管寧坐一木榻積五十年未嘗箕股其當膝處皆穿今
人有倚子若對賓客時合當垂足坐若獨居時垂足坐雖久盤坐亦
何害

童蒙須知曰凡喧闐鬪爭之處不可近無益之事不為

如賭博籠養
打毬踢毬放

風禽等
事也

凡開門揭簾徐輕手不可令震驚響

凡向火勿迫近火傍不惟舉止不佳且妨焚襲衣服

凡相揖必折腰

凡衆坐必欽身勿廣占坐席

凡危險不可近

凡侍婢僕必端嚴惟恐有失

凡夜卧必用枕勿以寝衣覆首

凡如厕必去上衣下必浣手

凡夜行必以燈燭無燭則止

謂輔廣曰見得義理雖稍快但言動之間覺得輕率處多子曰仁者其言也訥仁者之言自不恁地容易謝氏曰視聽言動不可易則

多此禮須時自覺自收欽稍緩則失之矣

右威儀

答顏魯子曰昨蒙喻及深衣謹并幅巾大帶納上皆溫公遺製也但帶當結處合有黑紐之紐所未能備其說見於書儀本章可考而增益也又有黑履亦見書儀此不敢納呈与古益遠其冠服制度僅存而可考者獨有此耳然遠方士子亦所罕見往往近於服妖甚可嘆也若得當世博問好礼者表而出之以廣其傳庶幾其不泯乎

童蒙須知曰大抵為人先要身体端莊自冠巾衣服鞋襪皆須收拾
受護常令潔淨整齊我先人常訓子弟云男子有三緊謂頭緊腰緊
脚緊頭謂頭巾未冠者總髻腰謂以條或帶束腰脚謂鞋襪三者
要緊束不可寬慢寬慢則身体放肆不端嚴為人所輕賤矣

凡着衣服必先提領結兩衽紐帶不可令有闕落飲食照管勿令污
毀路行看頭勿令泥漬

凡脫衣服必整齊摺疊箱篋中勿散乱損放則不為塵埃雜穢所污
仍易朽尋取不致散失着衣服既久則不免垢膩須要勤洗浣破綻
即補綴之儘補綴無害只用完潔

凡盥面必以巾帨遮護衣服捲束兩袖勿令有濕

凡就勞役必去上襲衣服只着短便受護勿令損污

凡日中所着衣服夜卧必更則不藏蚤蟲不即棄懷苟能如此則不

但威儀可法又可不費衣服晏子一狐裘三十年雖意在以儉化俗
亦其愛惜有道也此最飭身之要毋忽

右衣服

荅路德章曰見伯恭說少時性氣粗暴嫌飲食不如意便敢打破家
事後因久病只將一冊論語早晚閑看至躬自厚而薄責於人意思
一時平了遂終身無暴怒此可為變化氣質之法

學者當常以志士不忘在溝壑為念則道義重而較計利害之心輕
矣況衣食至微末事不得未必死亦何用執義執分後心後志營
以求之昨臺觀今人因不能咬菜根而至打達其本心者衆矣可不
戒哉

童蒙須知曰凡飲食有則食之無則不可思索但粥飯充飢不可闕
凡飲食於長上之前必輕嚼後嚥不可聞飲食之聲

凡飲食之物勿爭較多少美惡

凡飲酒不可令至醉

凡飲食舉匙必置箸舉箸必置匙食已置匙箸於案

荅陳同父曰越中山水氣象終是淺促意思不能深遠也武夷亦不至甚好但近處無山隨分占取做自家境界春間至彼山高水深紅綠相映亦自不惡但年未窘束殊甚詩成屋未就亦無人力可往未每以為念耳

且聞葺治園亭規模甚盛恨不得往同其樂而聽高論之餘也樓臺側畔楊花過簾幕中間燕子飛只是富貴者做事沂水舞雩意思不得亦不是躬耕隴畝抱膝長吟底氣象

右飲食

居室付

荅周南仲曰此心此理元無間斷虧欠聖吳遺訓具在方策若果有

意何用逢疑等待何用準擬安排只從今日為始隨處收拾隨時停
究隨事討論但使一日之間整頓得三五次理會得三五事則日積
月累自然純熟自然光明矣若只如此立得箇題目頓在面前却又
逢個前却不肯果決向前真案下手則悠。歲月豈肯待人

荅方賓王曰德聞知有進處甚善此亦工夫磨之力但不知時論
既角能不退轉否耳周南仲書來甚勤然覺得安排準擬之意多而
無薑直向前之氣若一向如此逢個擔閣恐難得入頭處也所喻涵
養本原之功誠易間斷然總覺得間斷便是相續處只要常自提撕
分寸積累將去久之自然接續打成一片耳得學工夫亦是如此莫
論事之大小理之淺深但到目前即与理會到底久之自然浹洽貫
通也

荅羅縣尉曰讀書治病之說誠如來喻但古人之學以莊敬持守為

先而讀書窮理以發其趣至於讀書之法則又當循序專一又覆玩
味一日之課不過三五條雖亦良樂雖無却病之功而積日累月自
當漸覺四大輕安矣

荅邵叔義曰遠辱惠書良符厚意而長牋短幅表裏殫盡尤見雅志
之高遠也然竊意宰欲為此學亦當有以自致其力於日用之間存
心養氣讀書窮理積其精誠循序漸進然後可得決非一旦慨然永
歎而躡等坐致之所能至也

荅呂子約曰大抵學問工夫看得規模定後只一向俟向前去莫問
如何若何便是先難後獲之意若方討得一箇頭緒不曾做得半月
十日又却計較以為未有效驗遂欲別作調度則恐一生只得如此
移東換西終是成家計也

示喻縷、備見篤學力行之意然未免較計務獲之病著此意思橫

在方寸間日夕紛擾非所以進朽日新也所讀書亦太多如人大病
在床而衆醫雜進百藥交下決無見効之理不若專力一書令其及
覆通透而復易一書之爲愈不惟專力易見工夫且是心定不雜朽
涵養之工亦有助也

荅鄭仲禮曰讀書固不可廢然亦須以主敬爲志爲先方可推此田
地上推尋義理見諸行事若平居泛然畧無存養之功又無實踐之
志而但欲曉解文義說得分明則雖盡通諸經不錯一字亦何所益
况又未必能通而不誤乎近覺朋友讀書講論多不得力其病皆出
朽此不可不深戒也

大學一書乃入德之門戶學者當先講習知得爲學次第規模乃可
讀書孟中庸先見義理根原體用之大略然後徐攻諸經以極其趣
庶幾有得蓋諸經條制不同工夫浩博若不先讀大學中庸令胸中

開明自有主宰未易可遽求也為學之要尤當深以貪多躐等好高
尚異為戒耳然猶是知見邊事若但入耳出口以資談說則亦何所
用之既已知得便當謹守力行乃為學問之案耳

荅陳庸仲曰近覺朋友讀書多是苟簡未曾曉會得便只如此打過
何況更要它將已曉會處反覆玩味言外別見意味決是有所不能
矣以此曉會文字只是備禮無一事做得到底悠々泛々半明半暗
都不成次第如何得有一箇半箇發憤忘食索性理會教十分透徹
少慰衰朽之望乎

大抵觀書先須熟讀使其意皆若出於吾心然後可以有得至於文
義有疑衆說紛錯則皆虛心靜慮勿遽取舍於其間先使一說自為
一說而隨其意之所之以驗其通塞則其達於理義者不待觀於他
說而自屈矣後以衆說互相詰難而求其理之^安所以考其是非則似

是而非者亦將奪於公論而無以立矣大抵徐行却立處靜觀動如
攻堅木先其易者而後其錯節如解亂繩有所不通姑置而徐觀之
此讀書之法也

觀書須是優游玩味徐觀聖矣立言本意所向如何然後隨其遠近
淺深輕重緩急而為之說如孟子所謂以意逆志者庶乎可以得之
若便以吾先入之說橫折膏次而驅率聖矣之言以從己意設使義
理可通已涉私意穿鑿不克折郢書燕說之謂況又義理窒礙亦有
所不可行者乎

觀書絕句曰昨夜江邊春水生蒙衝巨艦一毛輕向來枉費推移力
今日中流自在行

荅廖子晦曰如老蘇為學做些小言語文字直將聖矣之言兀然端
坐終日讀了七八年今人說要學道乃不曾略拚得旬月工夫讀一

卷書不曾成行記得如此而望有成吁亦難矣

承以家務叢委妨於學問為憂此固無可奈何者然亦只如此便是用功處也但每事看得道理不令容易放過更於其間看得平日病痛痛加剪除則為學之道何以加此若起一脫去之心生一排遣之念則理事却成兩截讀書亦無用處矣但得少閒隙時不可閑坐說話過了時日須偷些小工夫看些小文字窮究聖矣所說道理乃可以培植本原枝葉自然張王耳

荅滕德粹曰所問禱祠之惑此蓋燭理未明之故又為憂患所迫故立不定今雖未能遽明但謹守自家規矩一面講學窮理遇聖矣有說此事處更便着力加意理會積累工夫漸漬日久一旦忽然有開明處便自然不為所惑矣今未能然且當謹守聖人訓戒以為根脚如程子所謂不敢自信而信其師者始為寄足之地不然則飄搖沒

弱終不能有以自立矣

荅路德章曰歸來討一歇泊處將論語孟子正文端坐熟讀口誦心惟雖已曉會得文義亦須逐字忖過洗滌了心肝五臟裏許多忿懣怨毒之氣管取後日須有進步處不但為今日之路德章而已

童蒙須知曰凡讀書須整頓几案令潔淨端整將書冊整齊頓放正身體對書冊詳緩看守子細分明讀之須要讀得字字響亮不可誤一字不可少一字不可多一字不可倒一字不可牽強暗記只是要多誦遍數自然上口久遠不忘古人云讀書千遍其義自見謂讀得熟則不待解說自曉其義也余嘗謂讀書有三到謂心到眼到口到心不在此則眼不看子細心眼既不專一却只漫浪誦讀決不能記也亦不能久也三到之中心到最急心既到矣眼口豈不到乎凡看文字只是空耽言語裡會得多而已也須是切已用工使將

來自得竹心則視言語誠如糟粕然今不可更視為糟粕也但當自
期向到彼田地爾

感與詩曰玄天幽且默仲尼欲無言動植各生遂德音自清溫彼哉
夸毗子咕囁徒啾喧但騁言辭好豈知神鑒昏曰余昧前訓坐此枝
葉繁茂憤永刊落奇功收一原

荅周深父曰大抵人要讀書須是先收拾身心令稍安靜然後開卷
方有益若只如此馳騁紛擾則方寸之間自与道理全不相近如何
看得文字今不必多言但閉門端坐半月十日却來觀書自當信此
言之不妄也

荅沈晦叔曰近日又有一般學問廢往治史略王道而尊霸術極論
古今興亡之變而不察此心之端若只如此讀書則又不若不讀之為
愈也况又中年精力有限与其泛觀而博取不若熟讀而精思得尺

吾尺得寸吾寸始為不枉用功力耳

中年以後之人讀書不要多只少之玩索自見道理

今學者只就冊子上鑽却不就本原處理會只成講論文宇与自家身心全無干涉須是身做根抵

孟子只管教人求放心今人終日放去一个身恰似个無梢工底舡流東流西舡上都不知意嘗謂人未讀書且先收拾得身心在這裏然後可以讀書求義理

荅宋容之曰所喻讀書未能有疑此初學之通患盖緣平日讀書只為科舉之計貪多務得不暇子細攢得意思長時忙迫凡看文字不問精粗一例只作如此涉獵今當深以此事為戒洗滌淨盡別立規模將合看文字擇其尤精而最急者且看一書一日隨力且看一兩段俟一段已曉方換一段一書皆畢方換一書先要虚心平氣熟讀

精思令一字一句皆各下落諸家註解一：通貫然後可以較其是非以求聖矣立言之本意雖已得之亦且更如此又復玩味令其義理浹洽於中論肌浹髓然後乃可言學耳已上言讀書

答王子合曰所喻變化氣質方可言此意甚善但如鄙意則以為惟學為能變化氣質耳若不讀書窮理主敬存心而徒切：計較於今非是

非之間恐徒勞而無益也

答呂子約曰示喻氣質未化偏重難及學者之通病今亦當用力於恭敬持養之地而玩意義理以培養之不必及後較計悔咎勉責如此太深却恐有害清明和樂之氣象亦足以妨日新之益也

答孫吉甫曰所喻氣質過剛未能自克而欲求其變化轉移之道夫知其偏而欲勝之在吾日用之間屢省而痛懲之耳故周子有自易其惡自至其中之說是豈他人所得與竹其間哉然此亦或有說焉

不明其理而欲救其偏亦恐矯枉之過而反失其中也故古人之學雖莫怠於自脩而講學讀書之功有所不廢蓋不如是無以見夫道体之全而審其是非邪正之端也

荅俞壽翁曰示喻剝氣未能自克之病此正區、所深患方當相与同謹佩韋之戒耳大抵最要平時講學持養使此心常存義理常勝始有用力之地也

荅楊深父曰示喻自患柔懦不立而欲務於寬大含容此正以水濟水之謂也前此所以奉告但欲矣者日用之間不昧此心更打應接事物處各其求理之所在則喜怒哀樂自無偏倚而皆中節矣

荅石子重曰所喻平生大病最在輕弱人患不自知耳既自知得如此便合痛加工夫勇猛舍棄不要思前筭後庶能矯革所謂藥不瞑眩疾不瘳者也

荅毛朋壽曰場屋之文固知矣者不能免俗然先有以立乎其尤者
然後出而應之則得失榮枯不能為吾累矣

荅汪叔耕曰蓋人有是身則其秉彝之則初不在外與其嚮往於人
孰若反求諸己與其以口說馳舌而得行於世孰若得之於己而一
聽其用舍於天耶至於文詞一小技耳以言乎通則不足以治己以
言乎遠則無以治人是亦何所與於人心之存亡世道之隆替而校
其利害勤懇及後至於連篇累牘而不厭耶足下試一思之果能舍
其舊而新是面則其操存探討之方固自有次第矣

佛氏不愛其身以濟衆生之說雖近於墨氏然此說最淺近後達磨
見梁武帝不曉其說遂去面壁九年只說人心至善不用辛苦修
行有人取老莊之說附益之其說愈精妙

佛法固是本不見大底道理只就他本法中大段細密禪學熾則佛

氏之說大抵壞今禪說一向麁暴

陸子靜之學看他千般萬般病只在不知有氣稟之雜把許多麁惡底氣都把做心之妙理合當恁地自然做將去

陸子靜之學只管說一箇心本來是好底物事上面着不得一箇字只是人被私欲遮了若識得一箇心了萬法流出所以不怕天不怕地胡叫胡喚

子靜固有病今人却不曾似他用工如何便說得他所謂五穀不熟不如稊稗恐反為子靜之笑

荅程正思曰世學不明異端逢起大率皆便打私意人欲之害而可以不失道義問學之名以故學者翕然趨之然諺有之是真難滅是假易除但當力行吾道使益光明則彼之邪說如見晛耳

荅周南仲曰每病當世道術分裂上者入於佛老下者流於管商學

者既各以其所近便先入者為主又驅之以好高歛速之心是以前者既已自誤而遂以自欺後者既為所欺而復以欺人文字愈工辨說愈巧而其為害愈深不有明者孰能舍其舊而新是面哉

荅葉正則曰未書所謂在荊州無事看得佛書乃知世外環奇之說本未能与治道相乱所以各難辨爭亦是讀書者不深攷耳殊可駭不謂正則乃作如此說話語也中間得君舉書并深以講究辨說為不然此蓋無他只是自家不曾見得親切端的不能無毫釐之差處故作此見耳欲得會面相与劇論庶幾彼此盡情吐露尋一箇是處大家講究到底大開眼看觀大開口說話分明去取真截剖判不須如此遮前掩後似說不說做三日新婦子模樣不亦快哉

盡心知性存養吾儒与釋氏相似而不同吾儒盡心只是盡父子君臣之心須見有是理也如釋氏所謂盡心知性皆歸於空虛其所存

養却是閉眉合眼全不理會這道理

感與詩曰西方論緣業界、喻羣愚流傳世代久梯接凌空虛瞻顧
指心性名言超有無捷徑一以開廓然世爭趨彌空不踐窠蹟彼荆
榛塗誰裁繼三聖為我焚其書飄、學仙侶遺世在雲山盜啟玄命
秘竊當生死關金鼎蟠龍虎三年養神丹刀圭一入口白日生羽翰
我欲徃從之脫後諒非難但恐逆天理偷生詎能安

戒慎不睹恐懼不聞是要切工夫佛氏說得甚相似然而不同佛氏
要空此心道家要守此氣皆是安排子思之時異端蜂起所以發出
此事戒慎恐懼自然常存不用安排問釋氏似能謹獨曰不同佛氏
只是占便宜討閑靜處去老氏只是占姦地要自身平穩

蔡季通曰雷斧只是一氣擊後方结成曰說道士五雷法曰道士許
多說話全亂道

向來見人陷於異端者每以攻之為樂勝之為要喜近惟覺彼之迷昧
為可憐而吾道之不振為可憂誠宰痛傷不能自己不是知年老氣
衰而然耶抑亦漸得性情之正而然耶已上言
異端

白鹿洞規

父子有親

君臣有義

夫婦有別

有長幼序

朋友有信

右五教之目舜堯使契為司徒教敷五教即此是也學者學此而
已其所以學之、序亦有五焉其別以左
博學之審問之慎思之明辨之篤行之

右為學之序問學思辨四者所以窮理也若夫篤行之事則自脩

身以至於處事接物亦各有要其別以左

言忠信行篤敬懲忿窒欲遷善改過

右脩身之要

正其誼不謀其利明其道不計其功

右處事之要

已所不欲勿施於人行有不得反求諸己 右接物之要

臺竊觀古昔聖人所以教人為學之意莫非講明義理以脩身然
後推以及人非徒欲其務記覽為詞章以釣鮮名利祿而已今
之為學者既反是矣然聖人所以教人之法具在於經有志之士
固當熟讀深思而問辨之為知理之當然而責其身以必然則夫
規矩禁防之具豈待他人設之而後有所持循哉近世於學有規
其待學者為已淺矣而其為法又未必古人之意也故今不復施
於世臺而特取凡聖人所以教人為學之大端條列於右而揭之
楮間諸君相與講明遵守而責之於身焉則夫思慮云為之際其
所以戒謹恐懼者必有嚴於彼者矣其有不然而或出於禁防之
外則彼所謂規者必將取之固不得以略也諸君其念之哉
感興詩曰攷勲始欽明南面亦恭己大哉精一傳萬古立人紀將歛

嘆日躋穆、教教止戒、葵光武烈待旦起周礼恭惟千載心秋月照
寒水曾叟何常師刪述存聖軌

顏曾躬四勿曾子曰三省中庸首謹獨衣錦思尚綢緞哉鄒孟氏雄
辨極馳騁操存一言要為角挈表領丹青著明訓今古垂煥炳何事
千載餘無人踐斯境

濂溪遺像贊曰道喪千載聖遠言慙不有先覺後人書不盡言圖不
盡意風月無邊庭草交翠

明道遺像贊曰楊休山立玉色金祥元氣之會渾然天成瑞日祥雲
和風甘雨龍德正中歛施斯普

伊川遺像贊曰規圓矩方繩直準平允矣君子履也大成布帛之文
穀粟之味知德者希誰識其貴

袁州學三先生祠堂記曰蓋自鄒孟氏沒而聖人之道不傳世俗所

謂儒者之學內則局於文章句辭間外則雜於老子釋氏之言其所
以脩己治人者遂一出於私智人爲之鑿使其君之德不得比於三
代之隆民之俗不得躋於三代之盛蓋千有餘年滄溪周先生奮乎
百世之下乃始深探聖矣之奧疏觀造化之原而獨心得之立象著
書闡發幽秘詳義雖約而天人性命之微脩己治人之要莫不畢舉
河南兩程先生既親見而得其傳於是其學遂行於世士之誦於其
說者亦徃々有能卓然世俗利害之私慨然有志克彛君民者蓋三
先生者其有功於當世於是不小矣

康節遺像贊曰天挺人豪英邁蓋世駕風鞭霆歷覽無際手探月窟
足攝天根閑中今古醉裏乾坤

橫渠遺像贊曰蚤悅孫吳晚遊佛老勇撤臯比一變至道精思力殫
妙契疾書訂頑之訓示我庶民

陳水遺像贊曰篤學力行清修苦節有德有言有功有烈深衣大帶
張拱端趨遺像凜然可肅薄夫

晦庵畫像自贊曰從容乎禮法之場沈潛乎仁義之府是余蓋將有
意焉而力莫能與也佩先師之格言奉前烈之餘輝惟闇然而日脩
或庶笑乎斯語

右通論

附道統

黃勉齋所撰朱子行狀曰先生姓朱氏諱熹字仲晦世居徽之婺源
父松仕於建遂家於建陽縣之考亭先生年十八舉進士登第自奉
齋得中原文獻之傳聞河洛之學推明聖賢遺意日誦大學中庸以
用力於致知誠意之地先生蚤歲已知其說而心好之幸齋病且亟
屬曰籍溪胡原仲白水劉致仲屏山劉彥仲三人吾友也學有淵源
吾所敬畏吾既死汝往事之而推其言之是聽則吾死不恨矣先生

既孤則奉以告三君子而稟學焉年十有四慨然有求道之志博求之經傳遍交當世有識之士雖釋老之學亦必訂其是冰延平李先

究其歸趣

生學於豫章羅先生羅先生學於龜山楊先生延平於韋齋同門友

不遠數百里

先生悌自同安徒步往從之延平稱之曰樂善好義鮮與倫比又曰

穎悟絕人力學可畏其所論難侔認切至自是經遊幾年學之所造

益深矣其為學也窮理以致其知反躬以踐其案居敬者所以成始

成終也謂致知不以敬則昏惑紛擾無以察義理之歸躬行不以敬

則怠惰放肆無以致義理之宰持敬之方莫先於主一既為之歲以

為之警又筆之書以為小學大學皆本於此終日儼然端坐討論刊

典未嘗少輟自吾一心一身以至萬事萬物莫不有理存此心於端

莊靜一之中窮此理於學問思辨之際皆有以見其所當然而不容

已與其所以然而不可易然充其知而見於行者未嘗不及之於身

也不睹不聞之前所以戒謹者愈嚴愈敬隱微幽獨之際所以省察者愈精愈密思慮未萌而知覺不昧事物既接而品節不差無所容手人欲之私所以合乎天理之正其為道也有太極而陰陽分有陰陽而五行具稟陰陽五行之氣以生則太極之理各具於其中天所賦為命人所受為性感於物為情統性情為心根於性則為仁義禮智之德發於情則為惻隱羞惡辭讓是非之端於身則為手足耳目口鼻之用見於事則為君臣父子夫婦兄弟朋友之常求諸人則人之理不異於己求諸物則物之理不異於人莫不於之極其精而不亂然後合之盡其大而無餘先生之道可謂達諸天地而不悖質諸聖矣而無疑其得於己而為德也以一心而窮造化之厚盡性情之妙達聖矣之緼以一身而侔天地之運備事物之理任綱常之責明足以察其微則足以任其重弘足以致其廣毅足以極其常至於養

深積厚矜持者純熟嚴厲者和平心不待擇而存義不待索而精求
後學之所可擬故也其閑居也未明而起深衣幅巾拜於家廟以及
先聖退坐書堂几案必正書籍用必整其飲食也羹食行列有定
位匕箸舉措有定所倦而休也瞑目端坐休而起也整步徐行中夜
以寢既寢而寤擁衾而坐或達旦威儀容止之則自少至老未嘗頃
吏難也於家也奉親極其孝撫下極其慈閨庭之間內外斬之恩義
之篤怡々如也其祭祀也事無鉅纖必誠必敬小不以儀終日不樂
其自奉則衣取菽水食取充飢居止取足以障風雨人不能堪而處
之裕如也若其措諸事業則州縣之施設立朝之言論亦可槩見唯
達而行道不能施之一時然退而明道足以傳之萬代於大學中庸
則補其闕遺別其次第綱領條目粲然復明論語孟子則深原當時
答問之意使讀而味之者以親見聖矣之面命折易與詩則求其本

意深得古人遺意於千載之上凡數注者見於傳注其闕於天命之
微人心之奧入德之門造道之國發其指趣而無所遺矣於書則疑
今文之艱澁及不如古文之平易於春秋則疑聖心之正大決不類
傳註之穿鑿於禮則病王安石慶罷儀禮而傳記獨存於樂至若歷
代史記則又考論西周以來至於五代取司馬公編年之書繩以春
秋記事之法周程張邵之書所以繼孔孟道統之傳歷時未久鬱而
不章先生為之裒集發明而後得以盛行於世太極先天圖精微廣
傳不可涯涘為之解剥條畫而後天地本原聖賢溫奧不至於泯沒
先生教人以大學語孟中庸為入道之序而後及諸經以為不先乎
大學則無以提挈綱領而盡語孟之精微不參之以語孟則無以融
會貫通而極中庸之旨趣何以建立大本經綸大經哉一特搢衣而
耒遠自川蜀文詞之傳流及海外至於夷虜亦知慕其道先生既沒

學者傳其書信其道者益衆亦足以見理義之感於人者深矣繼往
聖將墜之緒啓前吳未發之機辨諸儒之得失闢異端之訛謬明天理
正人心事業之大孰有加於此至若天文地志律曆兵機亦皆洞究
淵微是邇資稟之異學行之篤安能事二物二各當其理各造其極
焉秦漢以來迄儒曲學既皆不足望其藩牆而近代諸儒有志於孔
孟周程之學者亦豈能造其閭域哉嗚呼是殆天所以相斯文焉篤
生哲人以大斯道之傳也慶元六年庚申歲卒于正寢年七十一累
歷官終侍講後贈太師封徽國公謚曰文道之正統待人而傳後自
周而後任傳道之責得道統之正者不過數人而能使斯道章二較
著一二人而止耳由孔子以後曾子子思繼其微至孟子而始著蓋
千有餘年之間孔孟之後所以推明是道者既已煨燼殘剩難折穿
鑿蠹懷之餘兩程勃興續其遺緒扶持植立艱功偉然未及百年踏

雜尤甚先生出而自周而未聖矣相傳之道一旦豁然大明中天昭
晰呈露先生平居捲々無一念不在於國時聞政之闕失則戚然有
不豫之色語及國勢之未振則感慨以至泣下謹難進之礼則一官
之拜必抗章而力辭厲易退之節則一語不合必奉身而亟去其事
君也不貶道而求售其愛民也不徇俗而苟安故其于世動輒齟齬
自筮仕以至屬纊五十年間歷事四朝仕於外者僅九考立於朝者
四十日道之難行也如此然從道統立人極為萬世字師則不以用
舍為加損也

李果齋又著行狀曰先生之道之至原其所以臻斯閔者無他焉之
曰主敬以立其本窮理以致其知反躬以踐其宗而敬者又貫通乎
三者之間所以成始而成終也故其主敬也一其內以齊乎外齊其
外以養其內則無貳無適寂然不動以為酬酢萬變之主外則儼

然甫然終日若對神明而有以保固其中心之所存及其久也靜虛
動直中一外融而人不見其持守之力則篤敬之驗也其窮理也虛
其心平其氣字求其訓句索其旨未得乎前則不敢求乎外未通乎
此則不敢志乎彼使之意定理明而無殲易凌躐之患心專慮一而
無貪多欲速之蔽始以熟讀使其言皆若出於吾之口繼以精思使
其意皆若出於吾之心自表而究裏自流而溯原索其精微若別白
黑辨其節目若數一二而又反覆而涵泳之切己而體察之必若先
儒所謂沛然若江河之浸膏澤之潤渙然冰釋怡然理明順而後為
有得焉若乃立論以驅轡聖言鑿說以求新意或援引以相糾紛或假
借以相混或虛心浮氣意象匆匆若有所追逐而未嘗徘徊顧瞻如
不忍去而待其決洽貫通之功深以為學者之大病深以為不痛絕
乎此則終無入德之期蓋自孔孟以降千五百年之間讀書者衆矣

未有窮理若此其精者也先生天資英邁視世之所屑者不啻如草芥脩然獨与道俱卓然獨与道立固已迥出朽腐物之表及夫理明義精養深積盛充而為德行發而為事業人之視之但見其渾灑磅礴不可涯涘而莫知為之者先生入以事君則必思克舜其君出而礪治民則必思克舜其民言論風旨之所傳政教條令之所布固皆可為世法而其考諸先聖而不謬建諸天地而不悖百世以俟聖人而不惑者則以證**道**羣書立為準則使學者有所據依循守以入克舜之道此其勲烈之尤彰著盛大者語孟二書釋言未備大學次序不倫闕遺未補中庸學者亦未知條理之繫然先生蒐輯諸儒之說刻以己意妙得聖人之本旨昭示斯道之表的又嘗集小學近思錄羽翼四子以相左右蓋此六書者學者之飲食裘葛準繩規矩不可以須臾離也其析易也推卦畫之本倖辨三聖之旨歸專立筮占而宗

該萬變其於詩也深玩辭氣而得詩人之本意其於禮也以儀禮為
經而取禮記及諸經史有及於禮者皆附本經之下具列註疏補其
闕遺雖不克就而宏綱大要固已舉矣謂春秋正誼明道貴王賤霸
尊君抑臣內夏外夷乃其大義周官編布周密周公運用天理爛熟
之書學者既通四子而遂學焉則所以治國平天下者思過半矣謂
通鑑編年之体近目就繩以簡牘之法綱倣春秋目倣左氏而褒貶
大義凜乎烈日樂律久亡亦嘗討論本末擇剛幽眇雖未及成書其
大旨固已獨得之矣若夫析世學之謬辨異端之非擣其巢穴破其
隱微使學者由於大中至正之則而不躐於荆棘獲陷之塗摧陷廓
清之功固非近世諸儒所能髣髴其萬一也至於晚歲德尊言之猶
以義理無窮歲月有限撫然有不足之意洙泗以還博文約禮兩極
其至者先生一人而已先生教人規模廣大^而糾級甚嚴循之有序不

容躡等凌節而進至竹切已務案辨別義理毋自欺謹其獨之戒未
嘗不丁寧懇到提耳而極言之每誦南軒張公無所為而然之語必
三嘆焉晚見諸生繚繞於文義之間深慮斯道之無傳始頗指示本
體使深思而自得之其望於學者益切矣

葉賀孫曰先生端居甚嚴而或溫而厲恭而安望其容貌則見面盎
背當諸公攻偽學之時先生處之雍容只似平時

先生早晨拈香春夏則深衣冬則戴漆紗帽衣則以布為之闊袖皂
緣裳則用白紗如隱溪畫像之服或見有任官及定官相見易窄衫
而出

黃義剛問衣服制度曰也無制度但畫像多如此故效之又問有尺
寸否曰也無稽考處那礼上雖略說然也說得沒理會處
楊炎侍先生到唐石待野叟推夫以接賓客畧無分毫畦町炎目侍

立及之曰此一等人若勢分相絕如何使他得以盡其情唐石有社
倉坐支落不時故被人未告先生云救弊之道在今日極是要嚴不
嚴如何得宗惠及此等細民

先生常立北橋忽市井游手數人悍然突過先生飲衽橋側避之每
閑行道間左右者或辟人先生厲聲止之曰你管他作甚

先生每徒行報謁步履而意專不左右顧及無事領諸生遊賞徘徊
顧瞻緩步微吟

先生有疾及諸生省問必正冠坐揖各盡其情畧無倦接之意諸生
有未及壯年者待之亦周詳先生病少愈既出寢室客至必見必
降階肅之去必送至階下

諸生夜聽講退則不送或在坐有外客則自降階送之

先生於客退立必視其車行不後顧然後退而解衣及應酬他事或

客方登車猶相面或以他事稟者不領之或前客纔登車尚留之客輒有稟議令少待先生待客語及本路監司及守將必稱其官

小學朱說重編卷之三終



